

四庫全書

經部

欽定四庫全書

禮書綱目卷六十七

婺源江永撰

學記

通禮十六

補

發慮憲求善良足以謏聞不足以動衆

憲法也言發計慮當擬度於法

式也謏之言小也

朱子曰動衆謂聳動衆聽蓋守常法用中材其效不足以致大譽

就賢體遠

足以動衆未足以化民

就謂躬下之體猶親也

朱子曰遠謂疎遠之士下賢親遠足

以聳動衆聽使知貴德而尊士然未有間導誘掖之方也故未足以化民

君子如欲化民成

俗其必由學乎

所學者聖人之道在方冊朱子曰玉

不琢不成器人不學不知道是故古之王者建國君民

教學為先

謂內則設師保以教使國子學焉外則有大學庠序之官

兌命曰念終始

典于學其此之謂乎

典經也言學之不舍業也兌當為說字之誤也

雖有嘉

肴弗食不知其旨也雖有至道弗學不知其善也

旨美也

是故學然後知不足教然後知困

學則覩已行之所短教則見已道之所未

達知不足然後能自反也知困然後能自強也故曰教

學相長也

自反求諸己也自強修業不敢倦張子曰困者益之基也學之病正在於不知困矣自

以為知而問之不能答
用之不能行者多矣

兌命曰學學半其此之謂乎

言

人乃益已

古之教者家有塾黨有庠術有序國有學

之學半

術當為遂聲之誤也古者仕焉而已者歸教於閭里朝夕坐於門門側之堂謂之塾周禮五百家為黨萬二千五百家為遂黨屬於

鄉遂在遠郊之外

比年入學

學者每歲來入也

中年考校

中

間也鄉遂大夫間歲則考學者之德行道藝周禮三歲大比乃考焉

一年視離經辨志三

年視敬業樂羣五年視博習親師七年視論學取友謂

之小成九年知類通達強立而不反謂之大成

離經斷句絕也

辨志謂別其心意所趣向也知類知事義之比也強立

臨事不惑也不反不違失師道張子曰離經離析經

之章句也。事師而至於親敬則學之篤而信其道也。論學取友能講論其學而取友必端也。知類通達比物醜類是也。九年者言其大畧。人性有遲敏氣有昏明豈可齊也。強立而不反可與立也。學至於立則自能不息。以至於聖人而教者可以無恨矣。朱子曰按鄭注張說皆是也。辨志者能分別其心所趨向如為善為利為君子為小人也。敬業者專心致志以事其業也。樂羣者樂於取益以輔其仁也。博習者積累精專次第該徧也。親師者道同德合愛敬無盡也。論學者知言而能論學之是非取友者知人而能識人之賢否也。知類通達聞一知十而觸類貫通也。強立不反知止有定而物不能移也。蓋考較之法逐節之中先觀其學業之淺深徐察其志行之虛實讀者宜深味之乃見進學之驗。

夫然後足以化民易俗近者說

服而遠者懷之此大學之道也

懷來也安也

記曰蛾子時術

之其此之謂乎

蟻蟻蟻也蟻蟻之子微蟲耳時術

大

學始教皮弁祭菜示敬道也

皮弁天子之朝朝服也祭菜禮先聖先師菜謂芹藻

之屬宵雅肄三官其始也

宵之言小也肄習也習小雅之

皆君臣宴樂相勞苦之詩為始學者習之所以勸之以官且取上下相和厚

入學鼓篋孫其

業也

鼓篋擊鼓警衆乃發篋出所治經業也孫猶恭順也

夏楚二物收其威也

夏

也楚荆也二者所以扑撻犯禮者收謂收斂整齊之威威儀也

未卜禘不視學游其志

也禘大祭也天子諸侯既祭乃視學考校以游暇學者之志意

時觀而弗語存其心

也使之悱悱憤憤然後啟發也觀示也謂示以所學之端緒語告也

朱子曰幼者聽而弗

問學不躡等也

學教也教之長稱

此七者教之大倫也

倫理也自大學

始教至此其義七也

記曰凡學官先事士先志其此之謂乎

官居官者

也士學士也

大學之教也時教必有正業退息必有居

居有

有常學

朱子曰上句鄭注孔疏讀時字居字句絕而學字自為一句恐非文意當以也字學字為句絕

時教如春夏禮樂秋冬詩書之類居學謂居其所學如易之言居業蓋常時所習如下文操縵博依興藝藏修息遊之類所以學者不學操縵不能安弦

操縵雜弄

不學博

依不能安詩

博依廣譬喻也依或為衣張子曰依聲之依永者也

不學雜服不

能安禮

雜服冕服皮弁之屬雜或為雅也雜服洒掃應對投壺沃盥細碎之事又曰道

張子曰服事

本至樂古之教人先使有以樂之者如操縵博依雜服
如此已心樂樂則道義生今無此以致樂專義理自得
以為樂然學者太苦思不從容第恐進銳
退速苦其難而不知其益莫能安樂也
不興其藝不

能樂學

興之言喜也歆也藝謂禮樂射御書數張子曰禮樂之文如琴瑟笙磬古人皆能之以中制

節射御亦必合於禮樂之文如不失其馳舍矢如破駟
虞和鸞動必相應也書數其用雖小但施於簡策然莫
不出於學故人有倦時又用此
故君子之於學也藏焉

修焉息焉遊焉

藏謂懷抱之修習也息謂作勞休息於之息游謂閒暇無事於之遊
夫然

故安其學而親其師樂其友而信其道是以雖離師輔
而不反也兌命曰敬孫務時敏厥修乃來其此之謂乎

敬孫敬道孫業也敏疾也厥其也學者務及時而疾其所修之業乃來張子曰孫其志於仁則得仁孫其志

於義則得義今之教者呻其佔畢多其詆訾其敏而已

詆猶問也言今之師自不曉經之義但吟誦其言及於所法簡之文多其難問也呻或為慕詆或為訾言及於

數其發言出說不首其義動云有所法象而已朱子曰數謂刑名度數言及於數欲以是窮學者之未知

非求其本也注疏法象之說恐非若小學之教蓋將使之馴習乎埽灑應對之節與今之教言及於數者其意

不進而不顧其安務其所誦多使人不由其誠由用也

誦之而為之教人不盡其材材道也謂師有所隱也易說不用其誠

張子曰人未安之又進之未喻之又告之徒使人生此節目不盡其材不顧安不由誠皆是施之妄

也教人至難必盡人之材乃不誤人觀可及處然後告之聖人之明直若庖丁之解牛皆知其隙及投餘地無全牛矣故使人必由其誠教人必盡其材人之材足以有為但以其不由於誠則不盡其材若曰勉率而為之則豈有由其誠者哉其施之也悖其求之也佛教者言非則學者失問夫然

故隱其學而疾其師苦其難而不知其益也隱不稱揚也

益若無益然朱子曰隱其學謂以其學為幽隱而難知如曰二子以我為隱之意雖終其業

其去之必速速疾也學不心解則忘之易教之不刑其此之由乎刑猶

成也大學之法禁於未發之謂豫未發情慾未生謂年十五時朱子曰此

但謂預為之防其事不一不必皆謂十五時也當其可之謂時可謂年二十成人時朱子曰

此當其可謂適當其可告之時事亦不一不當以年為斷

不陵節而施之謂孫

不陵節謂

不教長者才者以小教幼者鈍者以大也施猶教也孫順也

相觀而善之謂摩

不並問則

教者思專也摩相切磋也

朱子曰此但謂觀人之能而於已有益如以兩物相摩而各得其助也

此四

者教之所由興也

興起也

發然後禁則扞格而不勝

教不能勝

其情慤格讀如凍洛之洛扞堅不可入之貌

時過然後學則勤苦而難成

時過

則思放也

雜施而不孫則壞亂而不修

小者不達大者難識學者所惑也

獨

學無友則孤陋而寡聞

不相觀也

燕朋逆其師

燕猶褻也褻其朋友朱

子曰大戴保傅篇作左右之習反其師朋此燕朋是私褻之友所謂損者三友之類注說非也

燕辟廢

其學

褻師之譬喻

朱子曰以上文推之注亦非是此燕辟但謂私褻之談無益于學而反有所害也

六者教之所由廢也

弛廢

君子既知教之所由興又知教

之所由廢然後可以為人師也故君子之教喻也道而

弗牽強而弗抑開而弗達

道示之以道塗也抑猶推也開為發頭角

道而弗

牽則和強而弗抑則易開而弗達則思和易以思可謂

善喻矣

思而得之則深

學者有四失教者必知之人之學也

或失則多或失則寡或失則易或失則止此四者心之

莫同也

失於多謂才少者失於寡謂才多者失於易謂好問不識者失於止謂好思不問者

張子曰

為人則多好問則寡知其心然後能救其失也

救其失者多與

易則抑之寡與止則進之教也者長善而救其失也善歌者使人繼

其聲善教者使人繼其志

言為之善者則後人樂放微朱子曰注說非是繼聲繼

志皆謂微發其端而不究其說使人有所玩索而自得之也

其言也約而達微而臧

罕譬而喻可謂繼志矣

師說之明則弟子好述之其言少而解臧善也朱子曰三者

皆不務多言而使人自得之意君子知至學之難易而知其美惡然後

能博喻能博喻然後能為師能為師然後能為長能為

長然後能為君

美惡說之是非也長達官之長張子曰知學者至於學之難易又知其資質

才性之故師也者所以學為君也

弟子學於師學為君朱子曰詳上文此

但謂能為師以教人則能為君以治人耳是故擇師不可不慎也

師善則善朱子曰

此言能為師者其人難得故不可不擇也記曰三王四代唯其師此之謂乎

四代虞夏商周

凡學之道嚴師為難

嚴尊敬也

師嚴然後道尊道

尊然後民知敬學是故君之所不臣於其臣者二當其

為尸則弗臣也當其為師則弗臣也

尸主也為祭主也

大學之

禮雖詔於天子無北面所以尊師也

尊師重道焉不使處臣位也武王踐

阼召師尚父而問焉曰昔黃帝顓頊之道存乎意亦忽不可得見與師尚父曰在丹書王欲聞之則齊矣王齊

三曰端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言

善學者師逸而功倍又從而庸之

不善學者師勤而功半又從而怨之

從隨也庸功也功之受其道有功於

已

善問者如攻堅木先其易者後其節目及其久也相

說以解不善問者反此

言先易後難以漸入

善待問者如撞鐘叩

之以小者則小鳴叩之以大者則大鳴待其從容然後

盡其聲不善答問者反此

從讀如富父春戈之春春容謂重撞擊也始者一聲而已

學者既開其端意進而復問乃極說之如撞鐘之成聲矣從或為松朱子曰注說非是從容正謂聲之餘韻

從容而將盡者也言必答
盡所問之意然後止也

此皆進學之道也

此皆善問
善答也

記問之學不足以為人師

記問謂豫誦雜難雜說至講
時為學者論之此或時師不

心解或學者
所未能問

必也其聽語乎

必待其問
乃說之

力不能問然後

語之語之而不知雖舍之可也

舍之
須後

良冶之子必學為

為裘

仍見其家錮補穿鑿之器也補
器者其金柔乃合有似於為裘

良弓之子必學為

箕

仍見其家撓角幹也撓角幹者其材宜
調調乃三體相勝有似於為楊柳之箕

始駕馬者反

之車在馬前

以言仍見則
貫即事易也

君子察於此三者可以有志

於學矣

仍讀先王之道
則為來事不惑

古之學者比物醜類

以事相
況而為

之醜猶比也醜或為訃 朱子曰 鼓無當於五聲五聲
詳文意此句合屬上章仍有闕文

弗得不和水無當於五色五色弗得不章學無當於五

官五官弗得不治師無當於五服五服弗得不親

當猶主也

五服斬衰至總麻之親

君子曰大德不官

謂君也 朱子曰注說非是但言大德者不但

能專一官之事若荀子所謂精於道者無物物也

大道不器

謂聖人之道不

信不約

謂若胥命於蒲無盟約亦非此謂如天地四時不言而信者也

朱子曰注說

大時不

齊

或時以生或時以死

察於此四者可以有志於本矣

本立而道生言以學

為本則其德於民無不化於俗無不成

三王之祭川也皆先河而後海或

源也或委也此之謂務本

源泉所出也委流所聚也始出一勺卒成不測朱子曰

疏云源則河也委則海也申明先河後海之義也今詳此言所以先河後海者以其或是源故先之或是委故後之疏有二說此說是也並學記

孟子曰人之有道也飽食煖衣逸

居而無教則近於禽獸聖人有憂之使契為司徒教以人倫父子有親君臣有義夫婦有別長幼有序朋友有

信

人之有道言其皆有秉彝之性也然無教則亦放逸

者而道之耳書曰天叙有典敕我五典五惇哉此之謂也

又曰設為庠序學校以

教之庠者養也校者教也序者射也夏曰校殷曰序周

曰庠學則三代共之皆所以明人倫也人倫明於上小

民親於下

庠以養老為義校以教民為義序以習射為義皆鄉學也學國學也共之無異名也倫序

也父子有親君臣有義夫婦有別長幼有序朋友有信此人之大倫也庠序學校皆以明此而已

又

曰謹庠序之教申之以孝悌之義頒白者不負戴於道

路矣

庠序皆學名也申重也丁寧反覆之意善事父母為孝善事兄長為悌頒與班同老人頭半白黑者

也負任在背戴任在首夫民衣食不足則不暇治禮義而飽煖無教則又近於禽獸故既富而教以孝悌則人知愛親敬長而代其勞

孔子曰興於詩

興起也詩本性情有邪有

正其為言既易知而吟詠之間抑揚反覆其感人又易入故學者之初所以興起其好善惡惡之心而不能自

已者必於立於禮之詳可以恭敬辭遜為本而有節文度數此而得之故學者之中所以能卓然自立而不為事物之所搖奪者必於此而得之成於樂十二律更唱迭和以為歌舞八音之節可以養人之性情而蕩滌其邪穢消融其查滓故學者之終所以至於義精仁熟而自和順於道德者必於此而得之是學之成也按內則十歲學幼儀十三學樂誦詩二十而後學禮則此三者非小學傳授之次乃大學終身所得之難易先後淺深也程子曰天下之英才不為少矣特以道學不明故不得有所成就夫古人之詩如今之歌曲雖閭里童稚皆習聞之而知其說故能興起今雖老師宿儒尚不能曉其義況學者乎是不得興于詩也古人自洒埽應對以至冠昏喪祭莫不有禮今皆廢壞是以人倫不明治家無法是不得立於禮也古人之樂聲音所以養其耳采色所以養其目歌詠所以養其性情舞蹈所以養

其血脈今皆無之是不得成於樂也是以古之成材也易今之成材也難

子思曰夫子之

教必始於詩書而終於禮樂雜說不與焉

子孔叢

葬曹

平公往者見周原伯魯焉

原伯魯周大夫

與之語不說學歸以

語閔子馬閔子馬曰周其亂乎夫必多有是說而後及

其大人

國亂俗壞言者適多漸以及大人夫人在位者

大人患失而惑又曰可

以無學無學不害

患有學而失道者以惑其意

不害而不學則苟而

可

以為無害遂不學則皆懷苟且

於是乎下陵上替能無亂乎夫學殖

也不學將落原氏其亡乎

殖生長也言學之進德如農之殖苗日新日益 昭十八

年左
氏傳

大學

通禮十七

補

自有朱子章句
今止存其篇目

中庸

通禮十八

補

自有朱子章句今
亦但存其篇目

禮書綱目卷六十七

欽定四庫全書

禮書綱目卷六十八

婺源江永撰

教太子

通禮十九

補

帝曰夔命汝典樂教胄子

詳見學制

古者王子年八歲而

出就外舍學小藝焉履小節焉束髮而就大學學大藝

焉履大節焉

小學謂虎闌師保之學也大學王宮之東者束髮謂成童白虎通曰八歲入小學十

五入大學是也此太子之禮尚書大傳曰公卿之太子大夫元士嫡子年十三始入小學見小節而踐小義年

二十八大學見大節而踐大義此王子入學之期也又
曰十五年入小學十八入大學者謂諸子姓既成者至
十五入小學其早成者十八入大學內則曰十年出就
外傳居宿於外學書計者謂公卿以下教子於家也
朱子曰虎闈見周禮師氏居虎門之左教國子弟保氏
掌養國子守王闈一作庠門者非是又按姓孫也或恐
當作性既或
恐當作晚 居則習禮文行則鳴佩玉升車則聞和鸞

之聲是以非僻之心無自入也

大戴禮

天子設四學當

入學而太子齒

四學謂周四郊之虞庠也文王世子曰行一物而三善皆得者唯世子而已其

齒於學之謂也祭義

凡學世子及學士必時

詳見學制

凡三王

教世子必以禮樂樂所以修內也禮所以修外也禮樂

交錯於中發形於外是故其成也懌恭敬而溫文

中心中也

懌悅懌

立大傅少傅以養之欲其知父子君臣之道也

猶養

教也言養者

大傅審父子君臣之道以示之

謂為之行其禮

少

傅奉世子以觀大傅之德行而審喻之

為說其義

大傅在前

少傅在後

謂其在學時

入則有保出則有師

謂燕居出入時

是以教

諭而德成也

以有四人維持之

師也者教之以事而喻諸德者

也保也者慎其身以輔翼之而歸諸道者也

慎其身者謹安護之

記曰虞夏商周有師保有疑丞

記所云謂天子也取以成說

設四輔

及三公不必備唯其人語使能也

語言也得能則用之無則已不必備其官

也小人處其位不如且闕

君子曰德德成而教尊教尊而官正官正

而國治君之謂也

文王世子

周文王使太公望傅太子發

嗜鮑魚而太公弗與曰禮鮑魚不登於俎豈有非禮而

可以養太子哉

賈誼新書

成王幼不能涖阼

涖視也不能視阼階行人

君之事

周公相踐阼而治

踐履也代成王履阼階攝王位治天下也

抗世子法

於伯禽欲令成王之知父子君臣長幼之道也

抗猶舉也謂舉

以世子之法使與成王居而學之

成王有過則撻伯禽所以示成王世

子之道也

以成王之過擊伯禽則足以感喻焉

文王世子

仲尼曰昔者周

公攝政踐阼而治抗世子法於伯禽所以善成王也聞

之曰為人臣者殺其身有益於君則為之況于其身以

善其君乎周公優為之

聞之者聞之於古也于讀為迂迂猶廣也大也

是故知

為人子然後可以為人父知為人臣然後可以為人君

知事人然後能使人成王幼不能涖阼以為世子則無

為也

以為世子若為世子時

是故抗世子法於伯禽使之與成王

居

亦學此禮於成王側

欲令成王之知父子君臣長幼之義也君

之於世子也親則父也尊則君也有父之親有君之尊

然後兼天下而有之是故養世子不可不慎也

處君父之位覽

海內之上而近不能教其子則其餘不足觀矣

行一物而三善皆得者唯世子

而已其齒於學之謂也

物猶事也

故世子齒於學國人觀之

曰將君我而與我齒讓何也曰有父在則禮然然而衆

知父子之道矣其二曰將君我而與我齒讓何也曰有

君在則禮然然而衆著於君臣之義也其三曰將君我

而與我齒讓何也曰長長也然而衆知長幼之節矣故

父在斯為子君在斯謂之臣居子與臣之節所以尊君

親親也故學之為父子焉學之為君臣焉學之為長幼

焉學教父子君臣長幼之道得而國治語曰樂正司業父

師司成一有元良萬國以貞世子之謂也司主也一人也元大也

良善也貞正也同上賈誼曰古之王者太子迺生固舉以禮

大戴禮保傅篇迺後同以作之鄭曰古即殷周時也鄭曰卜其吉也有司

齊肅端冕見之南郊見于天也大戴齊肅作參夙興鄭曰參職謂三月朝也

朱子曰參乃齊字之誤其下當脫一字而注文職字亦誤過闕則下鄭曰敬君過廟

禮書綱目四

則趨

鄭曰逕闕故下望廟則趨

孝子之道也故自為赤子而教固已

行矣

大戴而作時已作以子言其新生未有眉髮其色赤

昔者成王幼在襁

褓之中召公為太保周公為太傅太公為太師保保其

身體

鄭曰保謂安守之顏曰保安也

傅傅之德義

大戴之作其傅猶敷也顏曰傅輔

也師導之教訓

大戴訓作順鄭曰師傅之教大同也師上於訓道傅即受而述之書叙曰周

公為師召公為保相成王為左右也此三公之職也

鄭曰今尚書說三公司馬司徒司空也尚

書及周禮說古文與此同故先儒論者多依此為說也

於是為置三少皆上大夫

也

鄭曰卿也謂之孤也

曰少保少傅少師是與太子宴者也

鄭曰記者

因成王幼稚周公居攝又以王少漸聖賢之訓長終封禪之美故擬其成事同於太子而始末叙之取明殷周

之隆師友為先也

顏曰宴謂安居故迺孩提有識三公三少固明孝仁

禮義以導習之

大戴無迺有識三字之下有也字

逐去

顏曰孩小兒也提謂提撕之

邪人不使見惡行於是皆選天下之端士孝悌博聞有道德者以衛翼之使與太子居處出入

大戴皆作比下下無之字博聞

作閑博衛作輔使下有之字

故太子乃生而見正事聞正言行正道

大戴無生而二字有目字

左右前後皆正人也

大戴左右下皆有視字人下無也字

習與正人居之不能毋正猶生長於齊不能不齊言也

大戴居下無之字母
作不正下有也字

習與不正人居之不能毋不正猶

生長於楚不能不楚言也故擇其所者必先受業迺得

嘗之擇其所樂必先有習迺得為之

鄭曰恐其懈惰故以所味好而誘之

孔子曰少成若天性

大戴無天字

習貫如自然

大戴如自然作之為常下

又有此殷周之所以長有常道也十一字鄭曰言人性本或有所不能少教成之若天性自然也周書曰習之為常自血氣始

顏曰貫亦習也

及太子少長知妃色

顏曰妃色妃匹之色

則入

于學

大戴作小學又引學禮一段今見學制篇

及太子既冠成人免於保傅

之嚴則有記過之史

大戴記作司顏曰有過則記

徹膳之宰

大戴有有字徹

下有虧字牢下云太子有過史必書之史之義不得不
書過不書過則死過書而宰徹去膳夫膳宰之義不得
徹膳則死進善之旌大戴旌作旂鄭曰堯置誹謗之

木鄭曰堯設之使敢諫之鼓鄭曰舜置之使諫瞽史誦

詩顏曰瞽無工誦箴諫大戴箴作正鄭曰工樂人也

大夫進謀此四字無士傳民語習與智長故切而不媿大戴

媿作攘鄭曰量知受業故雖勞能授也漢書作媿顏

曰每被切磋故無大過可耻媿之事朱子曰此文漢

書為是而顏說亦非其意但謂習聞規誨與化與心成

故中道若性鄭曰觀心施化故變善如性也朱子曰

性自然也。大戴下有是殷周所以長有道也九字又漢書大戴皆有三代之禮一段今見朝廷禮篇。夫

三代之所以長久者以其輔翼太子有此具也。大戴三代作殷

周之前者下無以字太作天下同又漢書大戴皆有及秦不然一段今刪去。天下之命懸於

太子太子之善在於早諭教與選左右。顏曰諭曉告也與猶及也開

於道術知義理之指則教之力也。大戴力作功若其服習積

貫則左右而已。大戴其作夫無而字胡粵之人生而同聲嗜欲不

異及其長而成俗累數譯而不能相通行者有雖死而

不能相為者則教習然也。大戴粵作越俗下有也字累作參有雖作雖有死下無而

字者下無則字 鄭曰生而同聲及其長也重譯而曉之不能使言語相通嗜欲不異至於成俗其所行雖有死之可畏猶不能相為者皆習使之然也蘇林曰言其人之行不能易事相為處 朱子曰行有雖死而不能相為者鄭說誤蘇說是也承上文言習俗之殊終身不變雖至於死而不能相放傲猶老子言民至老死不相往來 故曰選左右早諭教最急夫教得而左右正也 左右正則太子正矣太子正而天下定矣 鄭曰孟子曰三字 則太子正矣太子正而天下定矣 君正莫不正也君正而 書曰一人有慶兆民賴之此之謂也 漢書賈國定也

楚莊王使士亹傅太子箴

莊王楚君名旅也士亹楚大夫箴恭王名也

問

於申叔時

叔時楚賢大夫申公

叔時曰教之春秋而為之聳善而

抑惡焉以戒勸其心

以天時紀人事謂之春秋聳獎也抑貶也

教之世而為

之昭明德而廢幽昏焉

世謂先王之世系也昭顯也幽闇也昏亂也為之陳有明德者

世顯而闇亂者世廢也

以休懼其動

休嘉也動行也使嘉顯而懼廢也教之詩而

為之導廣顯德以耀明其志

導開也顯德謂若成湯文武周召僖公之屬諸詩所

美者

教之禮使知上下之則教之樂以疏其穢而鎮其

浮

則法也疏滌也樂者所以移風易俗蕩滌人之邪穢也鎮重也浮輕也

教之令使訪物

官

令謂先王官法時令也訪議也物事也使議知百官之事業

教之語使明其德而

知先王之務用明德於民也

語治國之善語教之故志使知廢

興者而戒懼焉

故志謂所記前世成敗之書

垂之訓典使知族類行

比義焉

訓典五帝之書族類謂若惇叙九族比義義之與比也

若是而不從

不見從也

動而不悛

悛改也

則文詠物以行之

文文辭也詠風也謂以文辭風記事物以

動行之

求賢良以翼之

翼輔也

悛而不攝則身勤之

攝固也勤勤身

以勩勉之

多訓典刑以納之

刑法也

務慎惇篤以固之攝而不

徹

徹通也

則明施舍以導之忠

施已所欲原心舍過謂之忠恕

明久長以

導之信

有信然後可以長久

明度量以導之義

義宜也言度量所宜也

明等

級以導之禮

等級貴賤之品

明恭儉以導之孝

恭儉所以事親

明敬戒

以導之事

敬戒於事則無敗功

明慈愛以導之仁明昭利以導之

文

昭明也明利言利人及物

明除害以導之武

除害去暴亂也

明精意以導

之罰

明盡精意斷之以情

明正德以導之賞

正德謂不私於所愛

明齊肅以

耀之臨

齊壹也肅敬也耀明也臨臨事也

若是而不濟不可為也

濟成也謂

為師傅也國語楚語

司馬侯對晉悼公曰諸侯之為日在君

側

為行也

以其善行以其惡戒可謂德義矣公曰孰能對

曰羊舌肸習於春秋

肸叔向之名春秋紀人事之善惡而目以天時謂之春秋周史之法

也時孔子未作春秋

乃召叔嚮使傅太子彪

彪平公也晉語

書數

通禮二十

補

大司徒以鄉三物教萬民而賓興之三曰六藝禮樂射

御書數

詳見學制

保氏養國子以道乃教之六藝五曰六

書六曰九數

同上

八年出就外傳居宿於外學書計

外傳

教學之師也
內則

上古結繩而治後世聖人易之以書契百

官以治萬民以察蓋取諸夬

明決之意
繫辭傳

黃帝之史蒼

頤見鳥獸蹠迹之迹知分理之可相別異也初造書契

百工以入萬品以察蒼頡之初作書蓋依類象形故謂之文其後形聲相益即謂之字字者言孳乳而浸多也著於竹帛謂之書書者如也以迄五帝三王之世改易殊體封於泰山者七十有二代靡有同焉周禮八歲入小學保氏教國子先以六書一曰指事指事者視而可識察而可見上下是也二曰象形象形者畫成其物隨體詰詘日月是也三曰形聲形聲者以事為名取譬相成江河是也四曰會意會意者比類合意以見指撝武

信是也五曰轉註轉註者建類一首同意相受考老是也六曰假借假借者本無其字依聲託事令長是也及宣王太史籀著大篆十五篇與古文或異至孔子書六經左丘明述春秋傳皆以古文厥意可得而說其後諸侯力政不統於王惡禮樂之害已而皆去其典籍分為七國田疇異疇車涂異軌律令異法衣冠異制言語異聲文字異形秦始皇帝初兼天下丞相李斯乃奏同之罷其不與秦文合者斯作蒼頡篇中車府令趙高作爰

歷篇太史令胡毋敬作博學篇皆取史籀大篆或頗省
改所謂小篆者也是時秦燒滅詩書滌除舊典大發隸
卒興役戍官獄職務繁初有隸書以趣約易而古文由

此絕矣

許慎說文解字序

小史掌邦國之志

鄭司農云志謂記也春秋傳所

謂周志國語所謂鄭書之屬是也史官主書故韓宣子聘於魯觀書太史氏

春官

外史掌四

方之志

志記也謂若魯之春秋晉之乘楚之檮杌

掌三王五帝之書

楚靈王所謂三

墳五

掌達書名于四方

謂若堯典禹貢達此名使知之或曰古曰名今曰字使四方知

書之文字得能讀之

同上

大行人王之所以撫邦國諸侯者九

歲屬瞽史諭書名

書名書之字也古曰名聘禮曰百名以上秋官

非天子

不考文

文書名

今天下書同文

今子思自謂當時也中庸

韓宣子

來聘觀書於太史氏見易象與魯春秋曰周禮盡在魯

矣

易象上下經之象辭魯春秋史記之策書春秋遵周公之典以序事故曰周禮盡在魯矣

吾乃今

知周公之德與周之所以王也

易象春秋文王周公之制當此時儒道廢諸國

多闕唯魯備故宣子適魯而說之昭二年左氏傳

楚左史倚相是良史也是

能讀三墳五典八索九丘

皆古書名昭十二年左氏傳

九數一方

田以御田疇界域二粟布以御交質變易三衰分以御

貴賤稟稅四少廣以御積纂方圓五商功以御功程積
實六均輸以御遠近勞費七盈朒以御隱雜互見八方
程以御雜糅正負九勾股以御高深廣遠

九章
算術

禮書綱目卷六十八

欽定四庫全書

禮書綱目卷六十九

婺源江永撰

五宗

通禮二十一

補

別子為祖

諸侯世子別為後世為始祖也謂之別子者公子不得稱先君大傳註云別子謂公

子若始來在此國者後世以為祖也

繼別為宗

別子之世長子為其族人為宗所謂百世不遷之宗

大傳注別子之世適也族人尊之謂之大宗是宗子也

繼禰者為小宗

別子庶子之長子為

其昆弟為宗也謂之小宗者以其將遷也父之適也兄弟尊之謂之小宗

喪服小記大傳同

百世不遷之宗有百世則遷之宗

遷猶變易也 大傳

右宗法 百世不遷者別子之後也宗其繼別子

之所自出也百世不遷者也宗其繼高祖者五世

則遷者也尊祖故敬宗敬宗尊祖之義也

繼別子之

世適也繼高祖者亦小宗也先言繼禰者據別子子弟之子也以高祖與禰皆有繼者則曾祖亦有

也則小宗四與大宗凡宗大傳

有五世而遷之宗其繼高祖

者也

謂小宗也小宗有四或繼高祖或繼曾祖或繼祖或繼禰皆至五世則遷

是故祖

遷於上宗易於下尊祖故敬宗敬宗所以尊祖禰

也宗者祖禰之正體小記

有小宗而無大宗者有大宗而

無小宗者有無宗亦莫之宗者公子是也

公子有此三事

也公子謂先君之子今君昆弟

公子有宗道公子之公為其士大

夫之庶者宗其士大夫之適者公子之宗道也

公子

不得宗君君命適昆弟為之宗使之宗之是公子之宗道也所宗者適則如大宗死為之齊衰九月其母則小君也為其妻齊衰三月無適而宗庶則如小宗死為之大功九月其母妻無服公子唯已而已則無所宗亦莫之宗大傳

宗者何謂也宗尊也為先祖

主也宗人之所尊也古者所以必有宗何也所以

長和睦也。大宗能率小宗，小宗能率羣弟，通其有無，所以統理族人者也。宗其為始祖後者為大宗，此百世不遷之宗也；宗其為高祖後者五世而遷者也；高祖遷於上宗，則易於下宗；其為曾祖後者為曾祖宗，其為祖後者為祖宗，其為父後者為父宗。以上至高祖宗皆為小宗，以其轉遷別於大宗也。別子者自與其子孫為祖，繼別者各自為宗。小宗有四大宗，有一凡有五宗人之親，所以備

矣白虎通

諸侯奪宗明尊者宜之大夫不得奪宗

何曰諸侯世世傳子孫故奪宗大夫不傳子孫故

不奪宗也

同上

大夫婦人為宗子宗子之母妻

婦人女子子在室及嫁歸宗者也宗子繼別之

後百世不遷所謂大宗也喪服齊衰三月章

宗子孤為殤大功衰小功衰

皆三月親則月算如邦人

言孤有不孤者不孤則族人

有廢疾若年七十而老子代主宗事者也孤為殤長殤中殤大功衰下殤小功衰皆如殤服而三月謂與宗子絕屬者也親謂在五屬之內算數也月數如邦人者與宗子有期之親者成人服之齊衰期長殤大功衰九月

中殤大功衰七月下殤小功衰五月有大功之親者成人服之齊衰三月卒哭受以大功衰九月其長殤中殤大功衰五月下殤小功衰三月有小功之親者成人服之齊衰三月卒哭受以小功衰五月其殤與絕屬者同有總麻之親者成人及殤皆與絕屬者同喪服記 大夫為宗子 齊衰三月章 女

子子適人者為其昆弟之為父後者

齊衰不杖期章

為人

後者

斬衰三年章

為殤後者以其服服之

言為後者據承之也殤無為人

父之道以本親之服服之小記

為人後者為其父母報

杖期章齊衰不

為人後者為其昆弟

大功九月章

為人後者於兄弟降

一等報

言報者嫌其為宗子不降喪服記

庶子不為長子斬

小記

右宗支服制 丈夫婦人為宗子宗子之母妻傳

曰何以服齊衰三月也尊祖也尊祖故敬宗敬宗者尊祖之義也宗子之母在則不為宗子之妻服也 大夫為宗子何以服齊衰三月也大夫不敢降其宗也 女子子適人者為昆弟之為父後者何以亦期也婦人雖在外必有歸宗曰小宗故服期也

歸宗者父雖卒猶自歸宗其為父後服重者不自絕於其族類也曰小宗者言是乃小宗

也小宗明非一也小宗有四丈夫婦人之為小宗各如其親之服辟大宗

為人後者

何以三年也受重者必以尊服服之何如而可為
之後同宗則可為之後何如而可以為人後支子
可也為所後者之祖父母妻妻之父母昆弟昆弟
之子若子若子者為所為後之親如親子為人後者為其父母
報何以期也不貳斬也何以不貳斬也特重於大
宗者降其小宗也為人後者孰後後大宗也冒為
後大宗大宗者尊之統也禽獸知母而不知父野
人曰父母何算焉都邑之士則知尊禰矣大夫及

學士則知尊祖矣諸侯及其大祖天子及其始祖之所自出尊者尊統上卑者尊統下大宗者尊之統也大宗者收族者也不可以絕故族人以支子

後大宗也適子不得後大宗

都邑之士則知尊禰近政化也太祖始封

之君始祖者感神靈而生若稷契也自由也及始祖之所由出謂祭天也上猶遠也下猶近也收族者謂別親疎序昭穆大傳曰繼之以姓而弗別綴之以食而弗殊雖百世而昏姻不通者周道然也

為人後者為其昆弟何以大功也為人後者降

其昆弟也

並喪服傳

庶人不為長子斬不繼祖與禰

故也

尊先祖之正體不二其統也言不繼祖禰別長子不必五世小記

庶人不

得為長子三年不繼祖也

大傳

支子不祭祭必告於宗子

不敢自專謂宗子有故支子當攝而祭者也五宗皆然

曲禮

庶人不祭殤與無後者殤與無後者從祖祔食

不祭

殤者父之庶也不祭無後者祖之庶也此二者當從祖祔食而已不祭祖無所食之也共其牲物而宗子主其禮焉祖庶之殤則自祭之凡所祭殤者唯適子耳無後者謂昆弟諸父也宗子之諸父無後者為殯祭之

記

右宗支祭法

庶子不祭明其宗也

明猶尊也一統焉族人上

不戚君下又辟宗乃後能相序

大傳

庶子不祭祖者明其宗也

明其尊宗以為本也禰則不祭矣言不祭祖者主謂宗子庶子俱為適士得立祖禰廟者也凡正體在乎上者謂下正猶為庶也

小記

庶子不祭禰者明其宗也

謂宗

子庶子俱為下士得立禰廟也雖庶人亦然

同上

曾子問曰宗子為士

庶子為大夫其祭也如之何孔子曰以上牲祭於

宗子之家

貴祿重宗也上牲大夫少牢

祝曰孝子某為介子某

薦其常事

外副也不言庶使若可以祭然

若宗子有罪居于他國

庶子為大夫其祭也祝曰孝子某使介子某執其

常事

此之謂宗子攝大夫

攝主不厭祭不旅不假不綏祭不

配

皆辟正主厭厭飫神也厭有陰有陽迎主之前祝酌奠奠之且饗是陰厭也尸饗之後徹薦俎

敦設於西北隅是陽厭也此不厭者不陽厭也不旅不旅酬也假讀為嘏不嘏不嘏主人也不綏祭謂

今主人也綏周禮作墮不配者祝辭不言以某妃配某氏

布奠於賓賓奠而不

舉

布奠謂主人酬賓奠解於薦北賓奠謂取解奠於薦南也此酬之始也奠之不舉止旅

不

歸肉

肉俎也謂與祭者留之共燕

其辭於賓曰宗兄宗弟宗子

在他國使某辭

辭猶告也宿賓之辭與宗子為列則曰宗兄若子弟昭穆異者曰宗

子而已其辭若云宗兄某在他國使某執其常事使某告

曾子問

曾子問曰宗

子去在他國庶子無爵而居者可以祭乎孔子曰

祭哉

有子孫存不可
以乏先祖之祀

請問其祭如何孔子曰望墓

而為壇以時祭

不祭於廟無爵
者賤遠辟正主

若宗子死告於墓

而後祭於家

言祭於家
容無廟也

宗子死稱名不言孝

孝宗
子之

稱不敢與之同其辭
但言子某薦其常事

身沒而已

至子可
以稱孝

子游之徒

有庶子祭者以此

以用也用
此禮祭也

若義也

若
順

今之祭者

不首其義故誣於祭也

首本也誣猶
妄也同上

孔子曰有

陰厭有陽厭

言祭殤之禮有於陰厭
之者有於陽厭之者

曾子問曰殤

不祔祭何謂陰厭陽厭

祔當為備聲之誤也言殤乃不成人祭之不備禮而

云陰厭陽厭乎此失孔子指也祭成人始設奠於與迎尸之前謂之陰厭尸諤之後改饌於西北隅謂之陽厭孔子曰宗子為殤而死庶子弗為後也

族人以其倫代之明不序昭穆立之廟其祭之就其祖而已代之者主其禮

其吉祭特

牲

尊宗子從成人也凡殤則特豚自卒哭成事之後為吉祭

祭殤不舉肺無所俎

無玄酒不告利成

此其無尸及所降也其他始成人舉肺脊所俎利成禮之施於

尸是謂陰厭

是宗子而殤祭之於與之禮小宗為殤其祭禮亦如之

凡殤與

無後者祭於宗子之家當室之白尊于東房是謂

陽厭

凡殤與庶子之適也或昆弟之子或從父昆弟無後者如有昆弟及諸父此則今死者皆

宗子大功之內親共祖禰者言祭於宗子之家者為有異居之道也無廟者為禋祭之親者共其牲物宗子皆主其禮當室之白尊於東房異於宗子之為殤當室之白謂西北隅得戶明者也明者白陽凡祖廟在小宗之家小宗祭之亦然宗子之適亦為凡殤過此以往則不祭也祭適者天子不祭五諸侯不祭三大夫下祭二士以下祭子而止同上

適子庶子祇事宗子宗婦

祇敬也宗子大宗

雖貴富不敢以貴

富入宗子之家雖衆車徒舍於外以寡約入

入謂入宗子家

弟猶歸器衣服衾衾車馬則必獻其上而后敢服用其

次也

猶若也子弟若有功德以物見饋賜當以善者與宗子也

若非所獻則不敢以

入於宗子之門

謂非宗子之爵所當服也

不敢以貴富加於父兄宗

族

加猶高也

若富則具二牲獻其賢者於宗子

賢猶善也

夫婦皆

齊而宗敬焉

當助祭於宗子之家

終事而後敢私祭

祭其祖禰內則

右事宗之禮

孔子曰宗子雖七十無無主婦

族人

之婦不可無統

非宗子雖無主婦可也

曾子問

傳曰子不

私其父則不成為子故有東宮有西宮有南宮有

北宮異居而同財有餘則歸之宗不足則資之宗

宗者世久為小宗與宗事者也資取也喪服傳

宗室有事族人皆待

終日大宗已待於賓奠然後燕私

謂卿大夫以下宗室大宗子之

家也禮志云別子為祖繼別為大宗繼禰為小宗賓僚友助祭也

燕私者何也祭

已而與族人飲不醉而出是不親也醉而不出是

潔宗也

出猶去也

出而不止是不忠也

忠厚

親而甚敬忠

而不倦若是則兄弟之道備備者成也成者成於

宗室也故曰飲而醉者宗室之意也德將無醉族

人之志也是故祀禮有讓德施有復義之至也

復

尚書

大傳

大宰以八統詔王馭萬民一曰親親

親親若堯親九族也

以九兩

繫邦國之民五曰宗以族得民

宗繼別為大宗收族者天官

大宗

伯以嘉禮親萬民以飲食之禮親宗族兄弟

親者使之相親人君

有食宗族飲酒之禮所以親之也文王世子曰族食世降一等大傳曰繫之以姓而弗別綴之以食而弗殊百世而昏姻不通者周道然也 小宗伯掌三族之別以辨親疎其

正室皆謂之門子掌其政令

三族謂父子孫人道之正名喪服小記曰親親以三

為五以五為九正室適子也將代父當門者也政令謂後守之事同上

大司徒以本俗

六安萬民二曰族墳墓三曰聯兄弟

族猶類也同宗者生相近死相迫聯

猶合也兄弟昏姻嫁娶也

地官

小司寇以八辟麗邦灋附刑罰一

曰議親之辟

鄭司農云若今時宗室有罪先請是也

凡王之同族有罪不

即市

鄭司農云刑諸甸師氏禮記曰刑于隱者不與國人慮兄弟

秋官

庶子之正於

公族者教之以孝弟睦友子愛明父子之義長幼之序

正者故也庶子司馬之屬掌國子之倅為政於公族者

其朝於公內朝則東面北

上臣有貴者以齒

內朝路寢庭

其在外朝則以官司士為之

外朝路寢門之外庭司士亦司馬之屬也掌羣臣之珥正朝儀之位也

其在宗廟之中則

如外朝之位宗人授事以爵以官

宗人掌禮及宗廟也以爵貴賤異位也以

官官各有所掌也若司徒奉牛司馬奉羊司空奉豕

其登餼獻受爵則以上嗣

上嗣

君之適長子以特牲饋食禮言之受謂上嗣舉奠也獻謂舉奠洗爵酌入也餼謂宗人遣舉奠盥祝命之餼也

大夫之嗣無此禮辟君也

庶子治之雖有三命不踰父兄

治之治公族之禮也

唯於內朝則然其餘會聚之事則與庶姓同一命齒於族里再命齒於父族三命不齒不齒者特為位不在父族也

其公大事則以其喪服之精麤為序雖於公族之

喪亦如之以次主人

大事謂死喪也其為君雖皆斬衰序之必以本親也主人主喪者次

主人者主人恒在上主人齒有父兄猶不得不齒

若公與族燕則異姓為賓

同宗

無相賓

膳宰為主人

君尊不獻酒

公與父兄齒

親親也

族食世

降一等

親者禴踈者稀

其在軍則守於公禴

謂從軍者公禴行主也所以遷主言

禴在外親也

公若有出疆之政

謂朝覲會同也

庶子以公族之無事

者守於公宮正室守大廟

正室適子也大廟太祖之廟

諸父守貴宮

貴室

謂守路寢

諸子諸孫守下宮下室

下宮親廟也下室燕寢或言宮或言廟通

異語五廟之孫祖廟未毀雖為庶人冠取妻必告死必赴

練祥則告

赴告於君也實四廟孫而言五廟者容顯考為始封子也

族之相為也宜

弔不弔宜免不免有司罰之

弔謂六世以往免謂五世

至于賄賂承

舍皆有正焉

承讀為贈聲之誤也正禮也

公族其有死罪則磬于甸

人

不於市朝者隱之也甸人掌郊野之官縣縊殺之曰磬

其刑罪則纖剕亦告於

甸人

纖讀為熾刺也剕割也官割腹墨剕刑皆以刀鋸刺割人體也告讀為鞠讀書用法曰鞠

公族

無宮刑

宮割淫刑

獄成有司讞于公其死罪則曰某之罪在

大辟其刑罪則曰某之罪在小辟

咸平也讞之言白也辟亦罪也

公曰

宥之

宥寬也欲寬其罪出於刑也

有司又曰在辟公又曰宥之

又復也

有司又曰在辟及三宥不對走出致刑于甸人

對答也先者君

每言宥則答之以將更寬之至於三罪定不復答走往刑之為君之恩無已

公又使人追之

曰雖然必赦之有司對曰無及也

罪既正不可宥乃欲赦之重刑殺其類也

反命於公

刑殺白已

公素服不舉為之變如其倫之喪無服

素服於凶事為吉於吉事為凶非喪服也君雖不服卿大夫死則皮弁錫衰以居往弔當事則弁經於士蓋疑衰同姓則總衰以弔之今無服者不往弔也倫謂親疎之比也素服亦皮弁矣親哭之為位哭之而已君於臣使有司哭之文王世子君有合族之道族人不得以其

戚戚君位也

君恩可以下施而族人皆臣也不得以父兄子弟之親自戚於君伍謂齒列也所以

尊君別嫌也大傳

諸侯之尊兄弟不得以屬通

禮非始封之君則臣諸父

昆弟兄弟匹敵之稱人臣不可以敵君故不得以屬通所以遠別貴賤尊君卑臣之義隱七年穀梁傳

右親親 帝堯克明峻德以親九族九族既睦九族

高祖至元孫之親舉近以該遠五服異姓之親亦在其中也堯典 凡為天下國

家有九經曰親親也親親則諸父昆弟不怨尊其

位重其祿同其好惡所以勸親親也中庸 上治祖

禰尊尊也下治子孫親親也旁治昆弟合族以食

序以昭繆別之以禮義人道竭矣治猶正也繆讀為穆聲之誤也

竭盡也 立權度量考文章改正朔易服色殊徽號異

器械別衣服此其所得與民變革者也權秤也度量丈尺也

斗斛也文章禮法也服色車馬也徽號旌旗之名也器械禮樂之器及甲兵也衣服吉凶之制也徽或作輝其不可得變革者則有矣親親也尊尊也長

長也男女有別此其不可得與民變革者也四者人道

之常大傳四世而總服之窮也五世袒免殺同姓

也六世親屬竭矣四世其高祖五世高祖昆弟六世以外親盡無屬名其庶

姓別於上而戚單於下昏姻可以通乎問之也元孫之子姓

別於高祖五世而無服姓世所由生繫之以姓而弗別綴之以食而

弗殊雖百世而昏姻不通者周道然也周之禮所建者長也

姓正姓也始祖為正姓高祖為庶姓繫之弗別謂若今宗室屬籍也周禮小史定繫世辨昭穆同

上

親親以三為五以五為九上殺下殺旁殺而

親畢矣

已上親父下親子三也以父親祖以子親孫五也以祖親高祖以孫親元孫九也殺

謂親益疎者服之益輕喪服小記

自仁率親等而上之至於祖

自義率祖順而下之至于禰是故人道親親也

言先

有親親故尊祖尊祖故敬宗敬宗故收族收族故

宗廟嚴宗廟嚴故重社稷重社稷故愛百姓愛百

姓故刑罰中刑罰中故庶民安庶民安故財用足

財用足故百志成百志成故禮俗刑禮俗刑然後

樂

收族序以昭穆也嚴猶尊也孝經曰孝莫大於嚴父百志人之志意所欲也刑猶成也

詩

云不顯不承無斁於人斯此之謂也

斁厭也言文王之德不顯

乎不承成先人之業乎言其顯且承之人樂之無厭也大傳

諸侯之子稱公

子公子不得稱先君公子之子稱公孫公孫不得

祖諸侯此自卑別於尊者也若公子之子孫有封

為國君者別世世祖是人也不祖公子此自尊別

於卑者也是故始封之君不臣諸父昆弟封君之

子不臣諸父而臣昆弟封君之孫盡臣諸父昆弟

喪服子夏傳

公族朝於內朝內親也

謂以宗族事會

雖有貴

者以齒明父子也外朝以官體異姓也

體猶連結也

宗

廟之中以爵為位崇德也

崇高也

宗人授事以官尊

賢也

官各育能

登餽受爵以上嗣尊祖之道也

上嗣祖之正統

喪紀以服之輕重為序不奪人親也

紀猶事也

公與族

燕則以齒而孝弟之道達矣

以至尊不自異於親之列

其族食

世降一等親親之殺也

殺差也

戰則守於公稱孝愛

之深也

行主君父之象

正室守大廟尊宗室而君臣之道

著矣

以其不敢以庶守君所重

諸父諸兄守貴室子弟守下室

而讓道達矣

以其貴者守貴賤者守賤上言父子孫此言兄弟互相備也

五廟

之孫祖廟未毀雖及庶人冠取妻必告死必赴不

忘親也親未絕而列於庶人賤無能也敬弔臨賻

賻睦友之道也古者庶子之官治而邦國有倫邦

國有倫而衆鄉方矣

鄉方言知所鄉

公族之罪雖親不以

犯有司正術也所以體百姓也

犯猶干也術法也

刑于隱

者不與國人慮兄弟也弗弔弗為服哭於異姓之廟為忝祖遠之也素服居外不聽樂私喪之也骨肉之親無絕也公族無宮刑不翦其類也

翦割截也文

王世子

魯人有同姓死而弗弔者人曰在禮當免

不免當弔不弔有司罰之如之何子之無弔也答曰吾以其疏遠也子思聞之曰無恩之甚也昔者季孫問於夫子曰百世之宗有絕道乎子曰繼之以姓義無絕也故同姓為宗合族為屬雖國子之

尊

國子諸侯卿大夫之子

不廢其親所以崇愛也是以綴之

以食序列昭穆萬世婚姻不通忠篤之道然也

孔叢

子

有若問於孔子曰國君之於同姓如之何孔

子曰皆有宗道焉故雖國君之尊猶百世不廢其

親所以崇愛也雖於族人之親而不敢戚君所以

謙也

戚親也尊敬君不敢如其親也

宣王欲得國子之能

導訓諸侯者

賈侍中云國子諸侯之嗣子或云國子諸侯之子欲使訓導子也昭謂國

子同姓諸姬也凡王子弟謂之國子導訓諸侯謂為州伯者也

樊穆仲曰魯侯孝

穆仲仲山甫之謚猶魯叔孫穆子謂之穆叔

王曰何以知之對曰肅恭

明神而敬事考老

考凍梨也

賦事行刑必問於遺訓

遺訓

先王之教也

而咨於故實

咨謀也故實故事之是者

不干所問不犯

所咨王曰然則能訓治其民矣乃命魯孝公於夷

宮

命為侯伯也夷宮宣王祖父夷王之廟古者爵命必於祖廟國語魯語

周襄王

將以狄伐鄭富辰諫曰不可

富辰周大夫

大上以德撫

民

無親疎也

其次親親以相及也

先親以及疎推恩以成義

昔周公

弔二叔之不咸故封建親戚以藩屏周

弔傷也咸同也周公

傷夏殷之叔世疎其親戚以至滅亡故廣封其兄弟管蔡邶霍魯衛毛聃郕

雍曹滕畢原鄆郕文之昭也

十六國皆文王子也管國在滎陽京縣東

北蔡在今汝南上蔡縣邶國東平剛父縣西南有邶鄉霍國今在永安縣東北有霍太山魯在兗州

曲阜縣衛國在汲郡朝歌縣部國濟陰城武縣東南有北部城雍國在河內山陽縣西曹國在今濟

陰定陶縣滕國在沛國公丘縣東南畢國在長安縣西北原國在沁水縣西鄆國在始平鄆縣東郕

國解縣西北有郕城毛聃闕

邶晉應韓武之穆也

四國皆武王子河內野王

縣西北有邶城晉國在太原晉陽縣河東聞喜縣應國在襄王城父縣西南韓國在河東郡界凡

蔣邢茅胙祭周公之肩也

肩嗣也凡汲郡共縣東南有凡城蔣在弋陽期

思縣邢國在東平襄國縣高平昌邑縣
西有茅鄉東郡燕縣西南有胙亭祭闕
召穆公思

周德之不類故糾合宗族于成周而作詩
類善也糾收也

召穆公周卿士名虎召采地扶風雍縣東南有召
亭周厲王之時周德衰微兄弟道缺召穆公于東

都收會宗族特作此周公
之樂歌常棣詩屬小雅
曰常棣之華鄂不韡韡

凡今之人莫如兄弟
常棣棣也不豈不也鄂鄂然華外發韡韡光明貌此燕兄

弟之樂歌故言常棣之華則其鄂然而外見者豈
不韡韡乎凡今之人則豈有如兄弟者乎
此朱

子其四章曰兄弟鬩於牆外禦其侮
鬩訟爭貌言內雖不和猶

宜外扞異
族之侵侮如是則兄弟雖有小忿不廢懿親
懿美也

今天子不忍小忿以棄鄭親其若之何庸勲親親

暱近尊賢德之大者也

庸用也暱親也

即聾從昧與頑用

嚚姦之大者也棄德崇姦禍之大者也

崇聚也

鄭有

平惠之勲

平王東遷晉鄭是依惠王出奔號鄭納之是其勲也

又有厲宣之

親

鄭始封之祖桓公友周厲王之子宣王之母弟

棄嬖寵而用三良

七年殺嬖

臣申侯十六年殺寵子子華也三良叔詹堵叔師叔所謂尊賢

於諸姬為近

道近當暱

之四德具矣耳不聽五聲之和為聾目不別五色

之章為昧心不則德義之經為頑口不道忠信之

言為嚚狄皆則之四姦具矣周之有懿德也猶曰

莫如兄弟故封建之

當周公時故言周之有懿德

其懷柔天下

也猶懼有外侮扞禦侮者莫如親親故以親屏周

召穆公亦云

周公作詩召公歌之故言亦云

今周德既衰於是乎

又渝周召以從諸姦無乃不可乎

變周召親兄弟之道

民未

忘禍王又興之

前有子頽之亂中有叔帶召狄故曰民未忘禍

其若文武

何

言將廢文

王弗聽

傳二十四年左氏傳

晉麗姬之亂詛

無畜羣公子

詛盟誓

自是晉無公族

無公子故廢公族之官

及

成公即位乃宦卿之適而為之田以為公族

宦位也為

置田邑以為

公族大夫

又宦其餘子亦為餘子

餘子適子之母弟也亦治

餘子之政

其庶子為公行

庶子妾子也掌率公戎行

晉於是公族

餘子公行

皆官名宣二年左氏傳

欒伯請公族大夫

欒伯欒武

子公族大夫掌公族與卿之子弟

公曰荀家惇惠

荀家晉大夫

荀會文

敏荀會荀家之族

鷹也果敢

鷹欒書之子桓子

無忌鎮靜

無忌韓厥之子

公族穆子鎮重也靜安也

使茲四人者為之

茲此也

夫膏粱之性

難正也

膏肉之肥者梁食之精者言食肥美者率多驕放其性難正

故使惇惠

者教之

教之道藝

使文敏者導之

導其志行

使果敢者諗之

諗告也告得失

使鎮靜者修之

修治其氣性

惇惠者教之則徧

而不倦

倦懈也

文敏者導之則婉而入

婉順也

果敢者

諗之則過不隱鎮靜者修之則壹

壹均一也

使茲四人

者為公族大夫

國語晉語

宋昭公將去羣公子樂豫

曰不可公族公室之枝葉也若去之則本根無所

庇蔭矣芻蕘猶能庇其本根

芻之能蕘蔓繁滋以本支蔭庇之多

故

君子以為比

謂詩人取以喻九族兄弟

況國君乎此諺所謂庇

焉而縱尋斧焉者也

縱放也

必不可君其圖之親之

以德皆股肱也誰敢攜貳若之何去之不聽穆襄

之族率國人以攻公

穆公襄公之子孫昭公所欲去者

文七年左氏傳

錫土姓

錫之土以立國錫之姓以立宗左傳所謂天子建德因生以賜姓胙之土而命之氏者也

禹

貢

天子建德因生以賜姓胙之土而命之氏諸侯以

字為謚因為族官有世功則有官族邑亦如之

詳見下

右姓氏 仲山父曰古者司商協名姓

司商掌賜族受姓之

官商金聲清謂人始生吹律合之定其姓名

國語周語

司空季子曰黃帝

之子二十五人其同姓者二人而已唯青陽與夷

鼓皆為己姓

其二人相與同德故俱為己姓青陽金天氏帝少昊也

青陽方

雷氏之甥也夷鼓彤魚氏之甥也

方雷西陵氏之姓也彤魚國名

帝繫曰黃帝要於西陵氏之子曰嫫祖實生青陽姊妹之子曰甥

其同生而異姓

者四母之子別為十二姓凡黃帝之子二十五宗

唐尚書曰繼別為小宗非也繼別為大宗別子之庶姓乃為小宗耳

其得姓者十四

人為十二姓

得姓以德居官而賜之姓也謂十四人而二人為姬二人為己故十二姓

姬酉祁已滕箴任荀僖姁僕依是也唯青陽與倉

林氏同於黃帝故皆為姬姓

二十五宗唯青陽與倉林德及黃帝同姓

為姬也

同德之難也如是

言德自黃帝同之難也如是

昔少典取

於有蟠氏生黃帝炎帝

賈侍中云少典黃帝炎帝之先有蟠諸侯也炎帝神

農也虞唐云少典黃帝炎帝之父昭謂神農三皇也在黃帝前黃帝滅炎帝滅其子孫耳明非神農可知也言生者謂二帝本所生出也內傳高陽高辛氏各有才子八人謂其裔子耳賈君得之黃帝以姬水成炎帝以姜水成

姬姜水名也成謂成所生長以成功也

而異德故黃帝為姬炎帝為姜二帝用師以相濟

也異德之故也

濟當為擠擠滅也傳曰黃帝戰於阪泉是也

異姓則異

德異德則異類雖近男女相及以生民也

近謂有屬名也

相及相嫁取也

同姓則同德同德則同心同心則同志同

志雖遠男女不相及畏黷敬也

畏褻瀆其類也國語晉語

無駭卒羽父請諡與族公問族於衆仲衆仲對曰

天子建德

立有德以爲諸侯

因生以賜姓

因其所由生以賜姓謂若舜由

媯汭故陳爲媯姓

胙之土而命之氏

報之以土而命氏曰陳

諸侯以

字

諸侯位卑不得賜姓故其臣因氏其王父字

爲諡因爲族

或便即先人之

諡稱以爲族

官有世功則有官族邑亦如之

謂取其舊官舊邑之

稱以為族皆

稟之時君

公命以字為展氏

諸侯之子稱公子
公子之子稱公孫

公孫之子以王父字為氏無駭公子

展之孫故為展氏

隱八年左氏傳

人所以有

姓者何所以崇恩愛厚親親遠禽獸別婚姻也故

世別類使生相愛死相哀同姓不得相娶者皆為

重人倫也姓生也人所稟天氣以生者也尚書曰

平章百姓姓所以百何以為古者聖人吹律定姓

以記其族人含五常而生身有五音宮商角徵羽

轉而相雜五五二十五轉生四時故百而異也所

以有氏者何所以貴功德賤伎力或氏其官或氏其事問其氏則可知其德所以勉人為善也或氏王父字何所以別諸侯之後為興滅國繼絕世也諸侯之子稱公子公子之子稱公孫公孫之子各以其王父字為氏故魯有仲孫季孫叔孫楚有昭屈景齊有高國崔也人必有名何所以吐情自紀尊事人者也子生三月則父名之於祖廟於祖廟者謂子之親廟也明當為宗廟主也一說名之於

燕寢名者幼少卑賤之親也寡畧故於燕寢人所
以有字何冠德明功敬成人也所以五十乃稱伯
仲者長幼之序也稱號所以有四何法四時用事
先後長幼兄弟之象也故以時長幼號曰伯仲叔
季也適長稱伯伯禽是也庶長稱孟魯大夫孟氏
是也男女異長各自有伯仲法陰陽各自有終始
也婦姓以配字何明不娶同姓也

白虎通

親屬記

通禮二十二

補

即爾雅釋親篇

父為考母為妣

禮記云生曰父母妻死曰考妣嬪今世學者從之按書曰大傷厥考心事厥考

厥長聰聽祖考之彞訓蒼頡篇曰考妣延年書曰嬪于虞詩曰聿嬪于京周禮有九嬪之官明此非死生之異稱矣其義猶今謂兄為

舅妹為媚即是此例也

父之考為王父父之妣為王母

加王者尊之

王父之考為曾祖王父王父之妣為曾祖王母

曾猶重也

曾祖王父之考為高祖王父曾祖王父之妣為高

祖王母

高者言最在上

父之世父叔父為從祖祖父父之世母

叔母為從祖祖母

從祖而別世統異故

父之舅弟先生為世父後

生為叔父

世有為嫡者嗣世統故也

男子先生為兄後生為弟男子

謂女子先生為姊後生為妹父之姊妹為姑父之從父

兄弟為從祖父父之從祖兄弟為族父從祖父之子相

謂為從祖兄弟族父之子相謂為族兄弟兄弟之子

相謂為親同姓

同姓之親無服屬

兄之子弟之子相謂為從父

兄弟

從父而別

子之子為孫

孫猶後也

孫之子為曾孫

曾猶重也

曾孫

之子為元孫

元者言親屬微昧也

元孫之子為來孫

言有往來之親

來孫

之子為兄弟

兄弟後也汲冢竹書曰不宦之兄弟

兄弟之子為仍孫

仍亦重也

仍孫之子為雲孫

言輕遠如浮雲

王父之姊妹為王姑曾祖王

父之姊妹為曾祖王姑高祖王父之姊妹為高祖王姑

父之從父姊妹為從祖姑父之從祖姊妹為族祖姑父

之從父兄弟之母為從祖王母父之從祖兄弟之母為

族祖王母父之兄妻為世母父之弟妻為叔母父之從

父兄弟之妻為從祖母父之從祖兄弟之妻為族祖母

父之從祖祖父為族曾王父父之從祖祖母為族曾王

母父之妾為庶母祖王父也兄弟也

今江東人通言兄弟

右宗族

母之考為外王父母之妣為外王母母之王考為外曾

王父母之王妣為外曾王母

異姓故言外

母之舅弟為舅母

之從父舅弟為從舅母之姊妹為從母從母之男子為從母舅弟其女子子為從母姊妹

右母黨

妻之父為外舅妻之母為外姑

謂我舅者吾謂之甥然則亦宜呼壻為甥孟子

田帝館甥于貳室是也

姑之子為甥舅之子為甥妻之舅弟為甥姊

妹之夫為甥

四人體敵故更相為甥甥猶生也今人相呼蓋依此

妻之姊妹同出

為姨

同出謂俱已嫁詩曰邢侯之姨

女子謂姊妹之夫為私

詩衛風碩人篇曰覃

公維私

男子謂姊妹之子為出

春秋公羊傳曰蓋舅出

女子謂舅弟

之子為姪

春秋左氏傳曰姪其從姑

謂出之子為離孫謂姪之子為

歸孫女子子之子為外孫女子同出謂先生為姒後生

為娣

同出謂俱嫁事一夫公羊傳曰諸侯娶一國二國往媵之以姪娣從娣者何弟也此即其義也

女

子謂兄之妻為嫂弟之妻為婦

猶今言新婦也

長婦謂稚婦為

娣婦娣婦謂長為姒婦

今相呼先後或云妯娌

右妻黨

婦稱夫之父曰舅稱夫之母曰姑姑舅在則曰君舅君

姑沒則曰先舅先姑

國語魯語曰吾聞之先姑

謂夫之庶母為少姑

夫之兄為兄弟

今俗呼兄鍾語之誤耳

夫之弟為叔夫之姊為女

公夫之女弟為女妹

今謂之女妹是也

子之妻為婦長婦為嫡

婦衆婦為庶婦女子子之夫為壻壻之父為姻婦之父

為婚父之黨為宗族母與妻之黨為兄弟婦之父母壻

之父母相謂為婚姻兩壻相謂為亞

詩曰瑣瑣姻亞今江東人呼為僚壻

婦之黨為婚兄弟壻之黨為姻兄弟

古者皆謂婚姻為兄弟

嬪婦

也

書曰嬪于虞

謂我舅者吾謂之甥也

右婚姻

同姓從宗合族屬異姓主名治際會名

著而男女有別

合合之宗子之家序昭穆也異姓謂來嫁者也主於母與父之名耳

際會婚禮交接之會也著明也母婦之名不明則人倫亂也亂者若衛宣公楚平王為子取而自納

焉

其夫屬乎父道者妻皆母道也其夫屬乎子道

者妻皆婦道也

言母婦無昭穆於此統於夫耳母焉則尊之婦焉則卑之尊之卑之

明非已倫以厚別也

謂弟之妻婦者是嫂亦可謂之母乎

言不

可也謂之婦與嫂者以其在已之列以名遠之耳
復謂嫂為母則令昭穆不明昆弟之妻夫之昆弟
不相為服不成其親也
男女無親則遠於相見
名者人治之大者也可無

慎乎

人治所以正
大傳

族者何也族者湊也聚也謂

恩愛相流湊也生相親愛死相哀痛有會聚之道
故謂之族族所以九何九之為言究也親踈恩愛
究竟也謂父族四母族三妻族二父族四者謂父
之姓一族也父女昆弟適人有子為二族也身女
昆弟適人有子為三族也身女子適人有子為四

族也母族三者母之父母一族也母之昆弟二族也母昆弟子三族也妻族二者妻之父為一族妻之母為二族妻之親畧故父母各一族禮曰惟是三族之不虞尚書曰以親九族義同也

白虎通

三

綱者何謂也謂君臣父子夫婦也六紀者何謂也謂諸父兄弟族人諸舅師長朋友也故君為臣綱父為子綱夫為妻綱敬諸父兄六紀道行諸舅有義族人有序昆弟有親師長有尊朋友有舊何謂

網紀綱者張也紀者理也大者為綱小者為紀所以張理上下整齊人道也人皆懷五常之性有親愛之心是以綱紀為化若羅網之有綱紀而萬目張也君臣父子夫婦六人也所以稱三綱何一陰一陽謂之道陽得陰而成陰得陽而序剛柔相配故六人為三綱六紀者為三綱之紀者也師長君臣之紀也以其皆成已也諸父兄弟父子之紀也以其有親恩連也諸舅朋友夫婦之紀也以其皆

有同志為紀助也君臣者何謂也君羣也下之所
歸心臣者縉堅也屬志自堅固父子者何謂也父
者矩也以法度教子子者孳孳無已也夫婦者何
謂也夫者扶也以道扶接也婦者服也以禮屈服
朋友者何謂也朋者黨也友者有也同門曰朋同
志曰友謂之舅姑何舅者舊也姑者故也舊故之
者老人之稱也謂之姊妹何姊者恣也妹者末也
謂之兄弟何兄者況也況父法也弟者悌也心順

行篤也稱夫之父母謂之舅姑何尊如父而非父者舅也親如母而非母者姑也故稱夫之父母為

舅姑也

同上

禮書綱目卷六十九

欽定四庫全書

經部

禮書綱目卷

七十一

詳校官監察御史_臣左周

給事中_臣溫常綬覆勘

總校官進士_臣何思鈞

校對官中書_臣金光悌

謄錄監生_臣張鈞

欽定四庫全書

禮書綱目卷七十

婺源江永撰

名器上

通禮二十三

補

小宗伯掌五禮之禁令與其用等

用等牲器尊卑之差
鄭司農云五禮吉凶

賓軍

辨吉凶之五服車旗宮室之禁

五服王及公卿大夫士之服

掌

衣服車旗宮室之賞賜

王以賁賜有功者書曰車服以庸
春官

典命上

公九命為伯其國家宮室車旗衣服禮儀皆以九為節

侯伯七命其國家宮室車旗衣服禮儀皆以七為節子男五命其國家宮室車旗衣服禮儀皆以五為節王之三公八命其卿六命其大夫四命及其出封皆加一等其國家宮室車旗衣服禮儀亦如之公之孤四命其卿三命其大夫再命其士一命其宮室車旗衣服禮儀各眡其命之數大夫士亦如之子男之卿再命其大夫一命其士不命其宮室車旗衣服禮儀各眡其命之數

詳職

官爵祿章

都宗人正都禮與其服

禁督其違失者服謂衣服及宮室車旗春官

家宗人掌家禮與其衣服宮室車旗之禁令

掌亦正也同

上

右總要

臧哀伯曰

臧哀伯魯大夫僖伯之子

清廟茅屋

以茅飾屋

著儉也清廟肅然清靜之稱也

大路越席

大路王路祀天車也越席結草

大羹不

致

大羹肉汁不致五味

粢食不鑿

黍稷曰粢不精鑿

昭其儉也

此四者皆

示儉衮冕黻珽

衮畫衣也冕冠也黻也珽玉笏也

若今吏之持簿

帶裳

幅舄

帶革帶也衣下曰裳幅若今行膝者舄複履

衡紃

衡維持冠者紃冠之

垂者紃纓從下而上者纓冠上覆

昭其度也

尊卑各有制度

藻率鞞鞞率

以韋為之所以藉玉也王五采公侯伯
三采子男二采鞞佩刀鞘上飾鞞下飾
鞞厲游纓

鞞紳帶也一名大帶厲大帶之垂者
游旌旗之游纓在馬膺前如索帶
昭其數也卑

各有火龍黼黻火畫火也龍畫龍也白與黑謂之
數火龍黼黻黼形若斧黑與青謂之黻兩已相

庚昭其文也明以文章貴賤五色比象昭其物也
車服器

五色皆以比象天地四
方以示器物不虛設
錫鸞和鈴昭其聲也
馬額

鸞在鑣和在衡鈴
在旂動皆有鳴聲
三辰旂旗昭其明也
三辰日月
星也畫於

旂旗象
天之明
夫德儉而有度登降有數
登降謂上
下尊卑
文物

以紀之聲明以發之以臨照百官百官於是乎戒

懼而不敢易紀律

桓二年左氏傳

諸侯之宮縣而祭以

白牡擊玉磬朱干設錫冕而舞大武乘大路諸侯

之僭禮也

言此皆天子之禮也宮縣四面縣也干盾也錫傳其背如龜也武萬舞也白牡

大路殷天子禮也

臺門而旅樹反坫繡黼丹朱中衣大夫

之僭禮也

言此皆諸侯之禮也旅道也屏謂之樹樹所以蔽行道管氏樹塞門塞猶蔽也

禮天子外屏諸侯內屏大夫以簾士以帷反坫反爵之坫也蓋在尊南兩君相見主君既獻於反爵馬繡黻丹朱以為中衣領緣也繡讀為綃綃繒名也詩云素衣朱綃又云素衣朱襮襮領也故

天子微諸侯僭大夫強諸侯脅於此相貴以等相

覲以貨相賂以利而天下之禮亂矣

言僭所由郊特牲

子云君不與同姓同車與異姓同車不同服示民

不嫌也以此坊民民猶得同姓以弑其君

同姓者謂先王

先公子孫有繼及之道者也其非此則無嫌也僕右恒朝服君則各以時事唯在軍同服于坊記

昭公將弑季氏

傳言弑者從昭公之辭

告子家駒曰季氏

為無道僭於公室久矣

諸侯稱公室

吾欲弑之何如

昭公

素畏季氏意者以

為如人君故言弑子家駒曰諸侯僭於天子大夫

僭於諸侯久矣昭公曰吾何僭矣哉

失禮成俗不自知也子

家駒曰設兩觀禮天子諸侯臺門天子外乘大路

禮天子大路諸侯路朱干玉戚干盾也以朱飾楯戚斧也以玉飾斧

以舞大夏大夏夏樂也周所以舞夏樂者王者始起未制作之時取先王之樂與已同者

假以風化天下天下大同乃自作樂取夏樂者與周俱文也王者舞六樂于宗廟之中舞先王之樂

明有法也舞已之樂明有制也舞四夷之樂大德廣及之也東夷之樂曰株離南夷之樂曰任西夷

之樂曰禁北夷之樂曰昧八佾以舞大武此皆天子之禮也昭二

十五年公羊傳衛孫良夫帥師及齊師戰于新築衛師

敗績新築人仲叔于奚救孫桓子桓子是以免于奚

守新築大夫

既衛人賞之以邑

賞于奚

辭請曲縣

軒縣也周禮天

子樂宮縣四周諸侯軒縣闕南方

繁纓以朝許之

繁纓馬飾皆諸侯之服

仲

尼聞之曰惜也不如多與之邑唯器與名不可以

假人

器車服名爵號

君之所司也名以出信

名位不愆為民所信

信

以守器

動不失信則車服可保

器以藏禮

車服所以表尊卑

禮以行

義

尊卑有禮各得其宜

義以生利

得其宜則利生

利以平民政之大

節也若以假人與人政也政亡則國家從之弗可

止也已

成二年左氏傳

君天下曰天子朝諸侯分職授政任功曰予一人皆擯者辭

也天下謂外及四海也今漢於蠻夷稱天子於王侯踐稱皇帝覲禮曰伯父實來余一人嘉之余予古今字

阼臨祭祀內事曰孝王某外事曰嗣王某皆祝辭也唯宗廟稱孝天

地社稷祭之郊內而臨諸侯畛於鬼神曰有天王王某甫

畛致也祝告至于鬼神辭也曰有天王王某甫某甫且字也不名者下親往也周禮大會同過山川則大祝用事

馬鬼神謂百辟卿崩曰天王崩史書策辭復曰天子復矣始死

時呼魄辭也不呼名臣告喪曰天王登假告赴也登上

已者若仙措之廟立之主曰帝同之天神春秋傳曰凡君卒哭而祔祔而作主

天子未除喪曰予小子

謙未敢稱一人春秋傳曰以諸侯之踰年即位亦知天子之踰

年即位以天子三年然後稱王亦知諸侯於其封內三年稱子

生名之死亦名之

生名之曰

小子王死亦曰小子王也晉有小子侯是僭取於天子號也

五官之長曰伯

謂為三公

者周禮九命作伯

是職方

職主也是伯分主東西者春秋傳曰自陝以來周公主之自陝以西召公

主之一相處乎內是或為氏

其擯於天子也曰天子之吏

擯者辭也春秋傳曰

王命委之三吏謂三公也

天子同姓謂之伯父異姓謂之伯舅自稱

於諸侯曰天子之老於外曰公於其國曰君

稱之以父與舅親親

之辭也外自其私土之外天子畿內

九州之長入天子之國曰牧

每一州之中天

子選諸侯之賢者以為之牧也周禮曰乃施典于邦國而建其牧天子同姓謂之叔父

異姓謂之叔舅於外曰侯於其國曰君君牧尊於大國之君而謂之叔父

辟二伯也亦以此為尊禮或損之而益謂此類也外自其國之外九州之中曰侯者本爵也二王之後不為牧

其在東夷北狄西戎南蠻雖大曰子謂九州之外長也天子亦選其諸侯

之賢者以為之子子猶牧也入天子之國曰子天子亦謂之子雖有侯伯之地本爵亦無過子是以同名曰子

於內自稱曰不穀與民言之謙稱穀善也謙於外自稱曰王老威遠國也

外亦其戎庶方小侯入天子之國曰某人於外曰子自

稱曰孤謂戎狄自子男君也男者於外亦曰男舉尊言之諸侯見天子曰臣某

侯某

謂嗇夫承命告天子辭也其為州牧則曰天子之老臣某侯某奉圭請覲某侯者國名某者人名

其與民言自稱曰寡人

謙也於其在凶服曰適子孤服

亦謂未除喪

臨祭祀內事曰孝子某侯某外事曰曾孫某侯

某

稱國者遠辟天子

死曰薨

亦史書策辭

復曰某甫復矣

某甫且字並曲禮

凡自稱天子曰予一人

謙自別於人而已

伯曰天子之力臣

伯上公九命分陝

諸侯之於天子曰某土之守臣某其在邊邑

曰某屏之臣某其於敵以下曰寡人小國之君曰孤擯

者亦曰孤

邊邑謂九州之外大國之君自稱曰寡人擯者曰寡君

玉藻君存稱世

子

明當世父位為君

君薨稱子某

緣民臣之心不可一日無君故稱子某明繼父也名者尸

樞尚存猶以君前名臣也

既葬稱子

不名者無所屈也緣終始之義一年不二君故稱子也

踰

年稱公

不可曠年無君三十二年公羊傳

莊

天子不言出諸侯不生

名君子不親惡

天子之言出諸侯之生名皆有大惡君子所遠出名以絕之春秋傳曰天王出

居於鄭衛侯朔入于衛是也

諸侯失地名滅同姓名

絕之曲禮

諸侯

使人使於諸侯使者自稱曰寡君之老

繫於君以為尊也此謂諸侯之

卿上大夫列國之大夫入天子之國曰某士

亦謂諸侯之卿也三命以下於

天子為士曰某士者若晉韓起聘于周擯者曰晉士起

自稱曰陪臣某

陪重也

於外

曰子

子有德之稱魯春秋曰齊高子來盟

於其國曰寡君之老使者自稱

曰某

使謂使人於諸侯也某名也同上

上大夫曰下臣擯者曰寡君

之老下大夫自名擯者曰寡大夫世子自名擯者曰寡

君之適

擯者之辭主謂見于他國君下大夫自名於他國君曰外臣某

公子曰臣孽

孽當

作拑聲之誤

士曰傳遽之臣於大夫曰外私

傳遽以車馬給使者也士臣於

大夫者曰私人

大夫私事使私人擯則稱名

私事使謂以君命私行非聘也若魯

成公時晉侯使韓穿來言汶陽之田歸之于齊之類

公士擯則曰寡大夫寡君之

老

謂聘也大聘使上大夫小聘使下大夫

非以君命使則不稱寡大

夫士則曰寡君之老

謂擯贊者辭也不稱寡君不言寡君之某言姓名而已大夫卿士其

使則皆曰寡君之某擅弓曰仕而未有祿者君有饋焉曰獻使焉曰寡君之老士相見禮

國君

不名卿老世婦大夫不名世臣姪娣士不名家相長妾

雖實於其國家猶有所尊也卿老上卿也世臣父時老臣君大夫之子不敢自稱曰

余小子

辟天子之子未除喪之名君大夫天子大夫有土地者

大夫士之子不敢

自稱曰嗣子某

亦辟其君之子未除喪之名

不敢與世子同名

辟僭也

其先之生則亦不改世或為大曲禮

天子之妃曰后

后之言後也

諸侯曰

夫人夫之言扶大夫曰孺人

孺之言屬

士曰婦人

婦之言服

庶人曰妻

妻之言齊夫人自稱于天子曰老婦自稱于天子謂畿內諸侯之夫人助祭若時事

見自稱於諸侯曰寡小君謂饗來朝諸侯之時自稱於其君曰小

童自世婦以下自稱曰婢子小童若云未成人也婢之言卑也於其君稱此以接

見體敵嫌其當同上邦君之妻君稱之曰夫人夫人自稱曰

小童邦人稱之曰君夫人稱諸異邦曰寡小君異邦人

稱之亦曰君夫人寡寡德謙辭論語

右名號 子云天無二日土無二王家無二主尊

無二上示民有君臣之別也春秋不稱楚越之王

喪禮君不稱天大夫不稱君恐民之惑也

楚越之君僭號

稱王不稱其喪謂不書葬也春秋傳曰吳楚之君不書葬辟其僭號也臣者天君稱天子為天王稱

諸侯不言天公辟王也大夫有臣者稱之曰主不言君辟諸侯也此四者皆為使民疑惑不知孰者

尊也周禮曰主友之讎視從父昆弟坊記

孔丘卒公誄之曰旻天

不弔不憖遺一老俾屏余一人以在位

仁覆閭下故稱旻天

弔至也憖且也俾使也屏蔽也

煢煢余在疚嗚呼哀哉尼父無自

律

疚病也律法也言喪尼父無以自為法

子贛曰君其不歿於魯乎

夫子之言曰禮失則昏名失則愆失志為昏失所

為愆生不能用死而誅之非禮也稱一人非名也

天子稱一人君兩失之

哀十六年左氏傳

黃帝堯舜垂衣裳而天下治蓋取諸乾坤

乾坤變化而無為易繫

辭傳

帝曰予欲觀古人之象日月星辰山龍華蟲作會

宗彞藻火粉米黼黻絺繡以五采彰施于五色作服汝

明

象像也日月以下物象是也易曰黃帝堯舜垂衣裳而天下治蓋取諸乾坤則上衣下裳之制創自黃帝

而成於堯舜也日月星辰取其照臨也山取其鎮也龍取其變也華蟲雉取其文也會繪也宗彞虎雉取其孝也藻水草取其潔也黼取其明也粉米白米取其養也黼若斧形取其斷也黻為兩已相背取其辨也絺鄭氏

讀為黼黻也。黼以爲黼也。日月也。星辰也。山也。龍也。華蟲也。六者繪之於衣。宗彝也。藻也。火也。粉米也。黼也。黻也。六者繡之於裳。所謂十二章也。衣之六章其序自上而下。裳之六章其序自下而上。采者青黃赤白黑也。色者言施之于繒帛也。繒于衣。繡于裳。皆雜施五采以爲五色也。汝明者。汝當明其大小尊卑之差等也。又案周禮以日月星辰畫于旂。冕服九章。登龍于山。登火于宗彝。以龍山華蟲。火宗彝五者。繪于衣。以藻粉黼黻四者。繡於裳。衮冕九章。以龍爲首。鷩冕七章。以華蟲爲首。毳冕五章。以虎雉爲首。蓋亦增損有虞之制而爲之耳。

搜

益

皋陶曰天命有德五服五章哉

五服五等之服自九章以至一

章是也。言天命有德之人則五等之服以彰顯之。皋陶謨

禹惡衣服而致美乎

黻冕

衣服常服。黻黻膝也。以韋爲之。冕冠也。皆祭服也。論語

有虞氏皇而祭深

衣而養老夏后氏收而祭燕衣而養老殷人冪而祭縞

衣而養老周人冕而祭玄衣而養老

皇冕屬也畫羽飾焉凡冕屬其服皆

玄上纁下有虞氏十二章周九章夏殷未聞凡養老之服皆其時與羣臣燕之服有虞氏質深衣而已夏而改

之尚黑而黑衣裳殷尚白而縞衣裳周則兼用之玄衣素裳其冠則牟追章甫委貌也諸侯以天子之燕服為

朝服燕禮曰燕朝服服是服也王者之後亦以燕服為之魯季康子朝服以縞僭宋之禮也天子皮弁以日視

朝也王制

委貌周道也章甫殷道也母追夏后氏之道

也或謂委貌為玄冠委猶安也言所以安正容貌章明也殷質言以表明丈夫也甫或為父今文為斧母發

聲也追猶堆也夏后氏質以其形名之三冠皆所常服以行道也其制之異同未之聞

周弁殷冪

夏收

弁名出於槃槃大也言所以自光大也尋名出于無無覆也言所以自覆飾也收言所以收斂髮也

齊所服而祭也其制之異未聞

三王共皮弁素積

質不變士冠禮

顏淵問

為邦子曰服周之冕

周冕有五祭服之冠也冠上有覆前後有旒黃帝以來蓋已有之而

制度儀等至周始備然其為物小而加於衆體之上故雖華而不為靡雖費而不及奢夫子取之蓋亦以為文

而得其中也已上七條歷代服制

弁師掌王之五冕皆玄冕朱

裏延紐

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上

筭所貫也今時冠卷當簪者廣表以冠縫其舊象與

五采縹十有二就皆五采玉

十有二玉筭朱紼

紼雜文之名也合五采絲為之繩垂于延之前後各十二所謂遽延也就

成也繩之每一甲而貫五采玉十二游則十二玉也每就間蓋一寸朱紃以朱組為紃也紃一條屬兩端於武繅不言皆有不得者此為衮衣之冕十二游則用玉二百八十八驚衣之冕繅九游用玉二百一十六毳衣之冕七游用玉百六十八希衣之冕五游用玉百二十玄衣之冕三游用玉七十二

諸侯之繅游

九就璫玉三采其餘如王之事繅游皆就玉填玉筭

侯當

為公字之誤也三采朱白蒼也其餘謂延紐皆玄覆朱裏與王同也出此則異繅游皆就皆三采也每繅九成則九游也公之冕用玉百六十二玉填塞耳者故書璫作璫鄭司農云繅當為藻繅古字也藻今字也同物同音璫惡王名王之皮弁會五采玉璫象邸玉筭

故書會作醴鄭司農云讀

如馬會之會謂以五采束髮也士喪禮曰檜用組乃筭檜讀與醴同書之異耳說曰以組束髮乃著筭謂之檜

沛國人謂反紒為體璫讀如綦車轂之綦玄謂會讀如大會之會會縫中也璫讀如薄借綦之綦綦結也皮弁之縫中每貫結五采玉十二以為飾謂之綦詩云會弁如星又曰其弁伊綦是也邨下柢也以象骨為之諸侯及孤卿大夫之冕韋弁皮弁各以其等為之而掌其

禁令

各以其等纁旂玉璫如其命數也冕則侯伯纁七

采孤纁四就用玉三十二三命之卿纁三就用玉十八再命之大夫纁再就用玉八纁玉皆朱綠韋弁皮弁則

侯伯璫飾七子男璫飾五玉亦三采孤則璫飾四三命之卿璫飾三再命之大夫璫飾二玉亦二采一命之大

夫冕而無旂士變冕為爵弁其韋弁皮弁之會無結飾玉藻曰君未有命不敢即乘服不言冠弁冠弁兼於韋

弁皮弁矣

天子玉藻十有二旒前後邃延

韠采曰天子以五采

藻為旒旒十有二前後遽延者言皆出冕前後而垂也天子齊肩延冕上覆也玄表纁裏玉藻天

子之冕朱綠藻十有二旒諸侯九上大夫七下大夫五

士三

朱綠似夏殷禮也周禮天子五采藻禮器

天子冕而朱紘諸侯冕

而青紘

祭義

王后親織玄紃

說云統冠之垂前後者昭謂統所以懸瑱當耳者也

公侯之夫人加之以紘紃

既織紃復加之紘紃也冕曰紘紃纓之無紃者也從下而

上不結紃冕上覆之者也國語魯語

子曰麻冕禮也今也純儉吾從

衆

麻冕緇布冠也純絲也儉謂省約緇布冠以三十升布為之升八十縷則其經二千四百縷矣細密難成

不如用絲之省約論語

有匪君子充耳琇瑩會弁如星

充耳瑱也琇瑩

美石也天子王璵諸侯以石會縫也弁皮弁也
以玉飾皮弁之縫中如星之明也衛風淇澳充耳

以素乎而尚之以瓊華乎而充耳以續懸璵所謂統也尚加也瓊華美石似王者

即所以為璵也充耳以青乎而尚之以瓊瑩乎而瓊瑩亦美石似王者充

耳以黃乎而尚之以瓊英乎而瓊英亦美石似王者其弁

伊騏弁皮弁也騏馬之青黑色者弁之色亦如此也書云四人騏弁今作綦曹風鴈鴝皮弁

筭爵弁筭緇組紃纁邊筭今之簪有筭者屈組為紃垂為飾無筭者纁而結其條纁邊

組側赤也爵弁者制如冕黑色但無纁耳周禮王之皮弁會五采玉璫象邸王筭諸侯及孤卿大夫之冕皮弁

各以其等為之則士之皮弁又無玉象邸飾士冠禮以上十條冕弁之制
玄冠朱組纓

天子之冠也緇布冠續緌諸侯之冠

皆始冠之冠也玄冠委貌也諸侯緇

布冠有緌尊者飾也續或作繪緌或作韃

玄冠丹組纓諸侯之齊冠也玄冠

綦組纓士之齊冠也

言齊時所服也四命以上齊祭異冠

縞冠玄武子姓

之冠也

謂父喪服子為之不純吉也武冠卷也古者冠卷殊

縞冠素紕既祥之冠

也

紕緣邊也紕讀如埤益之埤既祥之冠也已祥祭而服之也閒傳曰大祥素縞麻衣垂緌五寸

也

惰游之士也

惰游罷民也亦縞冠素紕凶服之象也垂長緌明非既祥

玄冠縞武不

齒之服也

所謂不帥教者

居冠屬武

謂燕居冠也著冠於武少威儀

自天子下

達有事然後緌

燕無事者去飾

大帛不緌

帛當為白聲之誤也大帛謂白布冠也不

綾服去
飾王藻

大白冠緇布之冠皆不綈委武玄縞而后

綈

不綈質無飾也大白冠大白之布冠也春秋傳曰衛文公大布之衣大白之冠委武冠卷也秦人曰委齊

東曰武玄玄冠也
縞縞冠也雜記

始冠緇布冠自諸侯下達冠而敝

之可也

本大古耳非時王之法服也王藻

始冠之緇布之冠也大古

冠布齊則緇之其綾也孔子曰吾未之聞也

大古無飾非時人綾

也雜記曰大白緇布之冠不綾大白即大古白布冠今喪冠也齊則緇之者鬼神尚幽闇也唐虞以上曰大古

也冠而敝之可也

此重古而冠之耳三代改制齊冠不復用也以白布冠質以為喪冠也

郊特牲

古者冠縮縫今也衡縫

縮從也今禮制衡讀為橫今冠橫縫以其辟積

多檀弓 緇布冠缺項青組纓屬于缺緇纓廣終幅長六

尺缺讀如有頰者弁之類緇布冠無弁者著頰圍髮際結項中隅為四綴以固冠也項中有緇亦由固頰為

之耳今未冠笄者著卷幘頰象之所生也滕薛名國為頰屬猶著纓今之幘梁也終充也纓一幅長六尺足以

鞞髮而結之矣緇布冠今小吏冠其遺象也士冠禮 彼都人士臺笠緇撮臺夫

須也緇撮緇布冠也其制小僅可撮其髻也小雅都人士 黃衣黃冠而祭息田

夫也祭謂既蜡臘先祖五祀也於是勞農以休息之論語曰黃衣狐裘 野夫黃冠黃冠

草服也言祭以息民服象其時物之色季秋而草木黃落郊特牲已上八條冠制 追師

掌王后之首服為副編次追衡笄為九嬪及外內命婦

之首服以待祭祀賓客

鄭司農云追冠名士冠禮記曰委貌周道也章甫殷道也母追

夏后氏之道也追師掌冠冕之官故並主王后之首服副者婦人之首服祭統曰君卷冕立于阼夫人副褱立于東房衡維持冠者春秋傳曰衡紃紃紃玄謂副之言覆所以覆首為之飾其遺象若今步繇矣服之以從王祭祀編編列髮為之其遺象若今假紃矣服之以桑也次次第髮長短為之所謂髮髻服之以見王王后之燕居亦纁笄總而已追猶治也詩云追琢其章王后之衡笄皆以玉為之唯祭服有衡垂于副之兩旁當耳其下以紃懸瑱詩云玼兮玼兮其之翟也鬢髮如雲不屑鬢也玉之瑱也是之謂也笄卷髮者外內命婦衣鞠衣禮衣者服編衣綠衣者服次外內命婦非王祭祀賓客佐后之禮自於其家則亦降焉少牢饋食禮曰主婦髻鬢衣衫袂特牲饋食禮曰主婦纁笄綃衣是也昏禮女次純衣攝盛服耳主人爵弁以迎移袂綠衣之袂凡諸侯

夫人於其國衣服與王后同天官

君子偕老副笄六珈副祭服之首飾編髮為之

笄衡笄也垂于副之兩旁當耳其下以紃懸瑱珈之言加也以玉加于笄而為飾也王之瑱也象

之掃也瑱塞耳也象象骨也掃所以摘髮也喪服廊風君子偕老此二條婦人首服

布總箭笄傳曰箭笄長尺吉笄尺二寸喪服女子子適

人者為其父母卒哭子折笄首以笄傳曰折笄首者折

吉笄之首也吉笄者象笄也有首者若今時刻鏤摘頭矣同上此二條因喪

服見婦人司服掌王之吉凶衣服辨其名物與其用

事用事祭祀視朝甸凶弔王之吉服祀昊天上帝則服

之事衣服各有所用

大裘而冕祀五帝亦如之享先王則袞冕享先公饗射

則鷩冕祀四望山川則毳冕祭社稷五祀則希冕祭羣

小祀則玄冕

六服同冕者首飾尊也先公謂后稷之後大王之前不啻至諸盥饗射饗食賓客與

諸侯射也羣小祀林澤墳衍四方百物之屬鄭司農云大裘羔裘也袞卷龍衣也鷩裨衣也毳罽衣也玄謂書

曰予欲觀古人之象日月星辰山龍華蟲作績宗彝藻火粉米黼黻希繡此古天子冕服十二章舜欲觀焉華

蟲五色之蟲績人職曰鳥獸蛇雜四時五色以章之謂是也希讀為絺或作背字之誤也王者相變至周而以

日月星辰畫於旌旗所謂三辰旂旗昭其明也而冕服九章登龍于山登火於宗彝尊其神明也九章初一日

龍次二曰山次三曰華蟲次四曰火次五曰宗彝皆畫以為績次六曰藻次七曰粉米次八曰黼次九曰黻皆

希以為繡則衮之衣五章裳四章凡九也驚畫以雉謂華蟲也其衣三章裳四章凡七也畫虎雖謂宗彝也

其衣三章裳二章凡五也希刺粉未無畫也其衣一章裳二章凡三也玄者衣無文裳刺黻而已是以謂玄焉

凡冕服皆凡兵事韋弁服韋弁以韎韋為弁又以為衣玄衣纁裳凡兵事韋弁服韋弁春秋傳曰晉卻至衣韎韋

之跗注是也今時五伯緹衣古兵服之遺色 眡朝則皮弁服視朝視內外朝

十五升白布衣纁素以為裳凡甸冠弁服甸田獵也冠王受諸侯朝覲於廟則衮冕凡甸冠弁服弁委貌其服

繼衣亦纁素以為裳諸侯以為視朝之服詩國風公三繼衣之宜兮謂王服此以田王卒食而居則玄端公

之服自衮冕而下如王之服侯伯之服自鷩冕而下如

公之服子男之服自毳冕而下如侯伯之服孤之服自

希冕而下如子男之服卿大夫之服自玄冕而下如孤

之服士之服自皮弁而下如大夫之服其齊服有玄端

素端

自公之衮冕至卿大夫之玄冕皆其朝聘天子及助祭之服諸侯非二王後其餘皆玄冕而祭於已

雜記曰大夫冕而祭于公弁而祭於已士弁而祭於公冠而祭于已大夫爵弁自祭家廟唯孤爾其餘皆玄冠

與士同玄冠自祭其廟者其服朝服玄端諸侯之自相朝聘皆皮弁服此天子日視朝之服士齊有素端者亦

為札荒有所禱請變素服言素端者明異制鄭司農云玄有襦裳者為端玄謂端者取其正也士之衣袂皆二

尺二寸而屬幅是廣袂等也其袂尺二寸大夫以上侈之侈之者蓋半而益一焉半而益一則其袂三尺三寸

袂尺八寸

春官

天子玉藻十有二旒前後邃延龍卷以祭

祭先王之服也龍卷畫龍於衣玄端而朝日聽朔端當

字或作袞疑畫蟠龍故謂之卷為冕字之誤也玄衣而冕冕服之下皮弁以日視朝遂以食卒食玄端而居

天子服玄端燕居也諸侯玄端以祭祭先君也端亦當為冕字之

與天子同裨冕以朝朝天子也裨冕公袞皮弁以聽朔於大

廟天子也朝服以日視朝於內朝朝服冠玄退適路寢

聽政大夫退然後適小寢釋服釋服服又朝服以食食

朝服所以敬養身也夕深衣祭牢肉王制三公一命卷若有加

則賜也不過九命卷俗讀也其通則曰袞三公八命矣

多於此則賜非命服也虞夏之制天子服有日月星辰周禮曰諸公之服自衮冕而下如王之服王制

再命受服

鄭司農云受服受祭衣服為上士玄謂此受玄冕之服列國之大夫再命於子男為卿卿

大夫自玄冕而下如孤之服王之中士亦再命則爵弁服春官大宗伯

大夫冕而祭於

公弁而祭於已士弁而祭於公冠而祭於已

弁爵弁也冠玄冠也

祭於公助君祭也大夫爵弁而祭于已唯孤爾

士弁而親迎然則士弁而祭於

已可也

緣類欲許之也親迎雖亦已之事攝盛服爾非常也雜記

少牢饋食之

禮主人朝服

特牲饋食之禮主人冠端玄

冠端玄冠端玄下

言玄者玄冠有不玄端者

朝玄端夕深衣

謂大夫士也已上八條通論

天子諸

侯大夫士之服

衣正色裳間色

謂冕服玄上纁下同上

畫繪之事雜

五色東方謂之青南方謂之赤西方謂之白北方謂之

黑天謂之玄地謂之黃青與白相次也赤與黑相次也

玄與黃相次也

此言畫纁六色所象及布采之第次纁以為衣

青與赤謂之文

赤與白謂之章白與黑謂之黼黑與青謂之黻五采備

謂之繡

此言刺繡采所用繡以為裳

土以黃其象方天時變

古人之象無天

地也為此記者見時有之耳子家駒曰天子偕天意亦是也鄭司農云天時變謂畫天隨四時色

火以

圜

鄭司農云為圜形似火也玄謂形如半環然在裳

山以章

章讀為獐獐山物也在衣齊人謂麋

為龍水以龍

龍水物在衣

鳥獸蛇

所謂華蟲也在衣蟲之毛鱗有文采者

雜四時

五色之位以章之謂之巧

章明也績繡皆用五采鮮明之是為巧

凡畫繪

之事後素功

素白采也後布之謂其易漬汙也繡以絲也鄭司農說以論語曰績事後素

工記考

禮有以文為貴者天子龍衮諸侯黼大夫黻士

玄衣纁裳

此祭冕服也禮記

上公冕服九章侯伯冕服七章

子男冕服五章

冕服著冕所服之衣也九章者自龍山以下七章者自華蟲以下五章者自宗

彝以下也秋官大行人

覲禮侯氏裨冕

裨冕者衣裨衣而冠冕也裨之為言裨也天子

六服大裘為上其餘為裨以事尊卑服之而諸侯亦服焉上公衮無升龍侯伯鷩子男毳孤締卿大夫玄此差

司服所掌也
上五條冕服之制已

士冠禮爵弁服纁裳純衣緇帶韎

韎

此與君祭之服雜記曰士弁而祭于公爵弁者冕之

纁裳淺絳裳凡染絳一入謂之緇再入謂之纁三入謂

之纁朱則四入與純衣絲衣也餘衣皆用布唯冕與爵

弁服用絲耳先裳後衣者欲令下近緇明衣與帶同色

韎韍韍韍也士韍韍而幽衡合韋為之士染以茅蒐因

以名焉今齊人名蒨為韎韍韍之制似韍皮弁服素積

冠弁者不與衣陳而言于上以冠名服耳皮弁服素積

緇帶素韍此與君視朔之服也皮弁者以白鹿皮為冠

皮弁之衣用布亦玄端玄裳黃裳雜裳可也緇帶爵韍

十五升其色象焉此莫夕於朝之服玄端即朝服之衣易其裳耳上士玄

裳中士黃裳下士雜裳雜裳者前玄後黃易曰夫玄黃

者天地之雜也。天玄而地黃，士皆爵韋為韠，其爵同。不以玄冠名服者，是為緇布冠。陳之玉藻曰：韠，君朱大夫

素士爵韋

朝服十五升

雜記

士冠禮：簪于鴈門，主人玄冠。

朝服緇帶素韠

玄冠，委貌也。朝服者十五升布衣而素裳也。衣不言色者，衣與冠同也。緇帶黑

繒帶也。士帶博二寸，再緣四寸，屈垂三尺。素韠，白韋韠也。長三尺，上廣一尺，下廣二尺，其頸五寸，肩革帶博三

寸。天子與其臣玄冕以視朔，皮弁以視朝。諸侯與其臣皮弁以視朔，朝服以日視朝。凡染黑五入為緇，七入

為緇。玄則六入與，已上三條。爵弁皮弁玄冠，玄端服之制。

深衣三祛

三祛者，謂要中之數

也。祛，尺二寸，圍之為二。縫，齊倍要

中，齊丈四尺四寸。縫

袷也。袷，下齊倍要

尺四寸三之七。尺二寸

或為縫

社當旁。社，謂裳幅所交裂也。凡社者，或殺而下，或為豐。社當旁，或殺而上，是以小要取名焉。社屬衣，則

垂而放之屬裳則縫之以合前後上下相變

袂可以回肘

二尺二寸之節

長中繼揜

尺其為長衣中衣則繼袂揜一袷二寸

曲領也

袷尺二寸

袂口也

緣廣寸半

飾邊也玉藻

古者深衣蓋有制度以應規

矩繩權衡

言聖人制事必有法度

短毋見膚

衣服蔽形

長毋被土

為汗辱也

續衽鉤邊

續猶屬也衽在裳旁者也屬連之不殊裳前後也鉤讀如鳥喙必鉤之鉤鉤邊若今曲裾

也續或為裕

要縫半下

三分要中減一以益下下宜寬也要或為優

格之高下可

以運肘

肘不能不出入格也

袂之長短反詘之及肘

袂屬幅於

衣詘而至肘當臂中為節臂骨上下各尺二寸則袂肘以前尺二寸肘或為腕

帶下毋厭髀上

母厭脅當無骨者

當骨緩急難為中也

制十有二幅以應十有二

月

裳六幅幅分之以為上下之殺

袂圓以應規

謂胡下也

曲袷如矩以應方

袷交領也古者方領如今小兒衣領

負繩及踝以應直

繩謂袷與後幅相當之縫也踝跟也

下齊如權衡以應平

齊

故規者行舉手以為容

行舉手謂揖讓

負繩抱方者以直其政方其義也故易曰坤六二之動

直以方也

言深衣之直應易之文也政或為正

下齊如權衡者以安志而

平心也

心平志安行乃止或低或仰則心有異志者與

五法已施故聖人服之

言非法不服

故規矩取其無私繩取其直權衡取其平故先

王貴之

貴此衣也

故可以為文可以為武可以擯相可以治

軍旅完且弗費善衣之次也

完且弗費言可苦衣而易有也深衣者用十五升布

鍛濯灰治純之以采善衣朝祭之服也自士以上深衣為之次庶人吉服深衣而已具父母大父

母衣純以續具父母衣純以青如孤子衣純以素

尊者存以

多飾為孝續畫文也三十以下無父稱孤純袂緣純邊廣各寸半

純謂緣之也緣袂謂

其口也緣錫也緣邊衣裳之側廣各寸半則表裏共三寸矣唯袷廣二寸深衣鄭目錄云名曰深衣者以

其記深衣之制也深衣連衣裳而純之以采者素純曰長衣有表則謂之中衣大夫以上祭服之中衣用素詩

云素衣朱襮王藻曰以帛裏布非禮也士祭以朝服中衣以布明矣

非帷裳必殺之

祭朝

之服裳用正幅如惟要有辟積而旁無殺縫其餘若
深衣要半下齊倍要則無辟積而有殺縫矣論語

以帛裏布非禮也

中外宜相稱也冕服絲衣也中衣用素皮弁服朝服玄端麻衣也中衣用

布王藻

素衣朱襮從子于沃

襮領也諸侯之服繡黼飾而丹朱純也子指桓叔也

沃曲沃也

素衣朱繡從子于鵠

朱繡即朱襮也鵠曲沃邑也唐風揚之水

繡

黼丹朱中衣大夫之僭禮也

詳見總要篇已上六條深衣長衣中衣之制

司裘掌為太裘以供王祀天之服

鄭司農云大裘黑羔裘服以祀天示質

中秋獻良裘

良善也中秋烏獸氍毹因其良時而用之鄭司農云良裘王所服也玄謂良裘王藻

所謂黼裘與

季秋獻功裘以待頒賜

功裘人工微纛謂狐青麟裘之屬鄭司農云功

裘卿大夫所服

歲終則會唯王之裘不會

天官

唯君有黼裘以

誓省大裘非古也

僭天子也天子祭上帝則大裘而冕大裘羔裘也黼裘以羔

黼文也省當為獮獮秋田也國君有黼裘誓獮田之禮時大夫又有大裘也

君衣狐白裘錦

衣以裼之

君衣狐白毛之裘則以素錦為衣覆之使可裼也袒而有衣曰裼必覆之者裘褻也詩云

衣錦綢衣裳錦綢裳然則錦衣復有上衣明矣天子狐白之上衣皮弁服與凡裼衣象裘色也

君之右

虎裘厥左狼裘

衛尊者宜武猛

士不衣狐白

辟君者狐之白者少以少為貴也

君子狐青裘豹褰玄綃衣以裼之

君子大夫士也綃綺屬也染之以玄於狐

青裘相宜狐青裘蓋玄衣之裘

麇裘青豳褰紋衣以裼之

豳胡犬也紋蒼黃色孔子

曰素衣

羔裘豹飾緇衣以裼之

飾猶裘也孔子曰緇衣羔裘

狐裘黃

衣以裼之

黃衣大蜡時臘先祖之服也孔子曰黃衣狐裘

錦衣狐裘諸侯之服

也

非諸侯則不用錦衣為裼玉藻

羔裘逍遙狐裘以朝

緇衣羔裘諸侯之朝

服錦衣狐裘其朝天子之服也

羔羊之皮素絲五紕

小曰羔大曰羊

皮所以為裘大夫燕居之服素白也純未詳蓋以絲飾裘之名也

羔羊之革素絲五紕

革猶皮也絨裘之縫界也

羔羊之縫素絲五總

縫縫皮合之以為裘也總亦未詳召南

羔裘豹飾孔武有力

飾緣袖也禮君用純物臣下之故羔裘而以豹皮為飾也

豹甚武而有力故服其所飾之裘者如之

羔裘晏兮三英粲兮

晏鮮盛也三英裘飾也未

詳其制祭光明也
鄭風羔裘

緇衣羔裘素衣麕裘黃衣狐裘

緇黑 色羔

裘用黑羊皮麕鹿子色白狐
色黃衣以裼裘欲其相稱

襲裘長短右袂

長欲其溫 短右袂所

以便事孤貉之厚以居

孤貉毛深溫厚私居 取其適體 論語

犬羊之裘

不裼

質略亦庶 人無文飾

不文飾也不裼

裼主於有 文飾之事

裘之裼也見

美也

君子於事以 見美為敬

弔則襲不盡飾也

喪非所 以見美

君在則裼

盡飾也

臣於 君所

服之襲也充美也

充猶覆也所敬 不主於君則襲

是故尸

襲

尸尊執玉龜襲

重寶 瑞也

無事則裼弗敢充也

謂已致龜玉 也玉藻

禮不盛服不充

禮盛者服充大 事不崇曲敬

故大裘不裼

謂祭天 也周禮

王祀昊天上帝則服大裘而冕

同上

表裘不入公門

表裘外衣也襲當表之乃出

襲裘不入公門

衣裘必當裼也 同上

執玉其有藉者則裼無

藉者則襲

藉藻也裼襲文質相變耳有藻為文裼見美亦文無藻為質襲充美亦質圭璋特而襲璧

琮加束帛而裼亦是也 曲禮

子曰裼襲之不相因也欲民之母相

瀆也

不相因者以其或以裼為敬或以襲為敬禮盛者以襲為敬執玉龜之屬也禮不盛者以裼為敬受

享是也

表記

已上十一條論裘制兼論裼襲之異

天子素帶朱裏終辟而

素帶終辟大夫素帶辟垂士練帶率下辟居士錦帶弟

子縞帶

謂大帶也而素帶終辟謂諸侯也諸侯不朱裏合素為之如今衣帶為之下天子也大夫亦如

之率緯也士以下皆禪不合而緯積如今作幪頭為之也辟讀如裨冕之裨裨謂以繒采飾其側人君充之大夫裨其紐及下士裨其末而已居士道藝處士也并紐約用組三寸長齊于帶

紳長至士三尺有司二尺有五寸子游曰參分帶下紳

居一馬紳鞶結三齊

三寸謂約帶紐組之廣也長齊于帶與紳齊也紳帶之垂者也言其

屈而重也論語曰子張書諸紳有司府史之屬也三分帶下而長三尺則帶高於紳也結約餘也結或為袵

大夫大帶四寸雜帶君朱綠大夫玄華士緇辟二寸再

繚四寸凡帶有率無箴功

雜猶飾也即上之裨也君裨帶上以朱下以綠終之大夫裨

垂外以玄內以華華黃色也士裨垂之下外內皆以緇是謂緇帶大夫以上以素皆廣四寸士以練廣二寸再

繚之凡帶有司之帶也亦繹之如士帶矣無歲功則肆
不裨之士雖繹帶裨亦用歲功凡帶不裨下士也

東及帶勤者有事則收之走則擁之

肆讀為肆肆餘也餘束約組之餘紐

也勤謂執勞辱之事也王藻已上大帶之制

革帶博二寸

詳見下韞制此一條

革帶之制

有虞氏服韍夏后氏山殷火周龍章

韍冕服之韞也舜始

作之以尊祭服禹湯至周增以畫文後王彌飾也山取其仁可仰也大取其明也龍取其變化也天子備焉諸

侯火而下大夫山士韞韞而己韍或作黻明堂位

朱芾斯皇室家君王

芾天子純

朱諸侯黃朱皇猶煌煌也君諸侯也小雅斯干

赤芾金舄會同有繹

赤芾諸侯

之服金舄赤舄而加金飾亦諸侯之服也時見曰會殷見曰同繹陳列聯屬之貌也小雅車攻

一

命緼韍再命赤韍三命赤韍

此玄冕爵弁服之韠尊祭服異其名耳韍之言亦蔽

也緼赤黃之間色所謂韍也周禮公侯伯之卿三命其大夫再命其士一命子男之卿再命其大夫一命其士

不命玉藻

韍韠有爽以作六師

韍茅蒐所染色也韠韠也合韋為之周官所謂

韋弁兵事之服也爽赤貌作猶起也六師六軍也天子六軍小雅瞻彼洛矣

韠君朱大夫

素士爵韋

此玄端服之韠也韠之言蔽也凡韠以韋為之必象裳色則天子諸侯玄端朱裳大夫素

裳唯士玄裳黃裳雜裳也皮弁服皆素韠

圓殺直

目韠制

天子直

四角直無圓殺

公侯

前後方

殺四角使之方變於天子也所殺者去上下各五寸

大夫前方後挫角

圓其

上角變於君也韠以下為前以上為後

士前後正

士賤與君同不嫌也正直方之間語也天子之

士則直諸侯之士則方

韠下廣二尺上廣一尺長三尺其頸五寸

肩革帶博二寸

頸五寸亦謂廣也頸中央肩兩角皆上接革帶以繫之肩與革帶廣同凡佩繫於

革帶玉藻

韠長三尺下廣二尺上廣一尺會去上五寸

紕以爵韋六寸不至下五寸純以素紕以五采

會謂領上縫也

領之所用蓋與紕同在旁曰紕在下曰純素生帛也紕六寸者中執之表裏各三寸也純紕所不至者五寸與會去上同紕施諸縫中

若今時條也

雜記

齊則綰結佩而爵韠

爵韠者齊服玄

端玉藻已上八條韠韠之制

笏天子以球玉諸侯以象大夫以

魚須文竹士竹本象可也

球美玉也文猶飾也大夫士飾竹以為笏不敢與君並用

純物也

玉藻

天子御琕諸侯御荼大夫服笏

御服皆器用之名尊者謂

之御卑者謂之服琕大圭荼古舒字王之上圓下方者也

荀子

天子搢琕方正於

天下也

此亦笏也謂之琕琕之言琕然無所屈也或謂之大圭長三尺杼上終葵首者於杼上又廣其

首方如椎頭是謂無所屈後則恒直相玉書曰琕王六寸明自炤

諸侯荼前詘後直讓

於天子也

荼讀為舒遲之舒舒懦者所畏在前也詘謂圓殺其首不為椎頭唯天子詘焉是以謂笏

為大夫前詘後詘無所不讓也

大夫奉君命出入者也上有天子下有已君又

殺其下而

笏度二尺有六寸其中博三寸其殺六分

而去一

殺猶杼也天子杼上終葵首諸侯不終葵首大夫士又杼其下首廣二寸半

同上

大

圭長三尺杼上終葵首天子服之

注見後王器章王人

王

大圭執鎮圭以朝日

詳見後王器章

天子執玉笏以朝日

管子

年不順成君衣布緇本

摺本去珽茶佩士笏也士以竹為笏飾本以象王藻

將適公所史進象笏書思對命

思所思念將以告君者也對所以對君者

也命所受君命者也書之於笏為失忘也同上

見於天子與射無說笏入

大廟說笏非禮也

言凡吉事無所說笏也大廟之中唯君當事說笏也

小功不說

笏當事免則說之

免悲哀哭踊之時不在於記事也小功輕不當事可以摺笏也

既摺

必盥雖有執於朝弗有盥矣

摺笏輒盥為必執事

凡有指畫於君

前用笏造受命於君前則書於笏笏畢用也因飾焉

畢盡

也同上已

古之君子必佩玉

比德焉君子士以上

右徵角

左宮羽

王聲所中也徵角在右事也民也物也宜遠趨以采齊

路門

之外樂節定門外謂之趨齊當為楚薺之薺

行以肆夏

登堂之樂節

周還中規

反行

也宜

折還中矩

曲行也宜方

進則揖之退則揚之然後玉鏘

鳴也

揖之謂小俛見於前也揚之謂小仰見於後也鏘聲貌

故君子在車則聞鸞

和之聲行則鳴佩玉是以非辟之心無自入也

鸞在衡和在式

自由也玉藻

上車以和鸞為節下車以佩玉為度上有蔥

衡下有雙璜衡牙

衡平也半璧曰璜璜在旁衡牙在中

玼珠以納其間

納於

衡璜衡牙之

琚瑀以雜之

總曰玼珠而赤者曰琚白者曰瑀或曰瑀美玉琚石次玉

行以采茨趨以肆夏步環中規折還中矩進則揖之一

揖

作退則揚之然後玉鏘鳴也

大戴禮

玉府共王之服玉

佩玉珠玉

佩玉者王之所帶者也玉藻曰君子于玉比德焉天子佩白玉而玄組綬詩傳曰佩玉上

有蔥衡下有雙璜衡牙

璜珠以納其間

君無故玉不

去身

故謂災患喪病曲禮

凡帶必有佩玉唯喪否

喪主於哀去飾也凡

謂天子以至士佩玉有衡牙

居中央以前後觸也

君子無故玉不去身君

子於玉比德焉

故謂喪與災皆

天子佩白玉而玄組綬公侯佩

山玄玉而朱組綬大夫佩水蒼玉而純組綬世子佩瑜

玉而綦組綬士佩瑀玫而緼組綬

玉有山玄水蒼者視之文色所似也綬者

所以貫佩玉相承受者也純當為緼古文緼字或作絲旁才綦文雜色也緼赤黃

孔子佩象環

五寸而綦組綬

謹不比德亦不事也象有文理者也環取可循而無窮玉藻

君在

不佩玉左結佩右設佩

謂世子也出所處而君在焉則去德佩而設事佩辟德而示即

事也結其左者若於事有未能也結者結其綬不使鳴焉

居則設佩

謂所處而居不在焉朝則

結佩

朝於君亦結左

齊則綰結佩

綰屈也結又屈之思神靈不在事也同上

一

命緼韍幽衡再命赤韍幽衡三命赤韍蔥衡衡佩王之衡也幽讀

為黝黑謂之黝青謂之蔥同上

去喪無所不佩君子無故王不去身薦礪之屬亦皆

佩之論語何以舟之維玉及瑤鞞琫容刀舟帶也鞞刀鞘也琫刀上飾也

容刀容飾之刀也或曰容刀如言容臭謂鞞琫之中容此刀耳大雅公劉君子至止鞞

琫有珌君子指天子也鞞容刀之鞞今刀鞘也琫上飾珌下飾亦戎服也小雅瞻彼洛矣已上十

條佩制內司服掌王后之六服褱衣揄狄闕狄鞠衣展

衣緣衣素沙鄭司農云褱衣畫衣也祭統曰君卷冕立于阼夫人副褱立于東房揄狄闕狄畫羽

飾展衣白衣也喪大記曰復者朝服君以卷夫人以屈狄世婦以褱衣屈者音聲與闕相似褱與展相似皆婦

人之服鞠衣黃衣也素沙赤衣也玄謂狄當為翟翟雉名伊雒而南素質五色皆備成章曰翟江淮而南青質五色皆備成章曰搖王后之服刻繒為之形而采畫之綴於衣以為文章褱衣畫鞞者揄狄畫搖者闕狄刻而不畫此三者皆祭服從王祭先王則服褱衣祭先公則服揄翟祭羣小祀則服闕翟今世有圭衣者蓋三翟之遺俗鞠衣黃桑服也色如鞠塵象桑葉始生月令三月薦鞠衣于上帝告桑事展衣以禮見王及賓客之服字當為禮禮之言亶亶誠也詩國風曰玼兮玼兮其之翟也下云胡然而天也胡然而帝也言其德當神明又曰玼兮玼兮其之展也下云展如之人兮邦之媛也言其行配君子二者之義與禮合矣離記曰夫人服稅衣揄翟又喪大記曰士妻以祿衣言祿者甚衆字或作稅此祿衣者實作祿衣也祿衣御于王之服亦以燕居男子之祿衣黑則是亦黑也六服備於此矣褱揄狄展聲相近緣字之誤也以下推次其色則闕狄赤揄狄青褱衣

玄婦人尚專一德無所兼連衣裳不異其色素沙者今之白縛也六服皆袍制以白縛為裏使之張顯今世有沙穀者名辨外內命婦之服鞠衣展衣緣衣素沙內命婦出于此

服鞠衣九嬪也展衣世婦也祿衣女御也外命婦者其夫孤也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯伯之夫人揄狄子男之夫人亦闕狄唯三公後祿衣凡祭

祀賓客共后之衣服及九嬪世婦凡命婦共其衣服凡者

凡女御與外命婦也言及言凡殊貴賤也春秋之義王人雖微者猶序乎諸侯之上所以尊尊也臣之命者再命以上受服則下士之妻不共也外命婦唯王祭祀賓客以禮佐后得服此上服自於其家則降焉天官

王后祿衣夫人揄狄

祿讀如輦揄讀如搖輦搖皆翟雉名刻繒而畫之著於衣為飾

因以為名也後世作字異耳夫人三夫人亦祿衣君命屈狄再

命祿衣一命禮衣士祿衣

君女君也屈周禮作闕謂刻

人及其卿大夫士之妻命服也祿當為鞠字之誤禮天子諸侯命其臣后夫人亦命其妻以衣服所謂夫尊於朝妻榮於室子男之卿再命而妻鞠衣則鞠衣禮衣祿衣者諸侯之臣皆分三等其妻以次受此服公之臣孤為上卿大夫次之侯伯子男之臣卿為上大夫次之士次之祿或作稅唯世婦命於奠醕

其他則皆從男子

奠猶獻也凡世婦以下蠶事畢獻醕乃命之以其服天子之后夫人九嬪

及諸侯之夫人夫在其位妻得服其服王藻

少牢饋食之禮主婦被錫衣

侈袂

被錫讀為髮髻古者或剔賤者刑者之髮以被婦人之紒為飾因名髮髻焉此周禮所謂次也不纚

笄者大夫妻尊亦衣綃衣而侈其袂耳侈者蓋
半士妻之袂以益之衣三尺三寸袂一尺八寸

特牲

饋食之禮主婦纁笄宵衣

纁笄者服宵綺屬也此衣染之以黑其綃本名曰宵詩有

素衣朱宵記有玄宵衣
凡婦人助祭者同服也

士昏禮女次純衣纁衿

次首飾也

今時髮也周禮追師掌為副編次純衣絲衣女從者畢
衿玄則此衣亦玄矣衿亦緣也衿之言任也以纁緣其

衣象陰氣上任也凡婦人不常施衿之衣盛姆纁笄宵
昏禮為此服喪大記曰復衣不以衿明非常姆纁笄宵

衣纁綃髮笄今時替也纁亦廣充幅長六尺宵讀為詩
素衣朱綃之綃魯詩以綃為綺屬也姆亦玄衣以綃

為領因以為女從者畢衿玄纁笄被頤黼
名且相別耳女從者畢衿玄纁笄被頤黼女從者謂姪
姊也衿同也

同玄者上下皆玄也頤禪也詩曰素衣朱襮爾雅云黼
領謂之襮周禮曰白與黑謂之黼天子諸侯后夫人秋

衣卿大夫之妻刺黼以為領如今偃領矣士妻始嫁施禪黻於領上假盛飾耳言被明非常服婦乘以

几姆加景

景之制蓋加明衣加之以為行道禦塵令衣鮮明也景亦明也已上五條婦人服制

屨人掌王及后之服屨為赤舄黑舄赤纁黃纁青舄

素屨葛屨

屨自明矣必連言服者著服各有屨也復下曰舄禪下曰屨古人言屨以通於複今世言

屨以通於禪俗易語反與舄屨有舄有纁有純者飾也鄭司農云赤纁黃纁以赤黃之絲為下緣士喪禮曰夏葛屨冬皮屨皆纁緇純禮家說纁亦謂以采絲礫其下玄謂凡屨舄各象其裳之色士冠禮曰玄端黑屨青舄纁純素積白屨緇絢纁純爵弁纁屨黑舄纁純是也王吉服有九舄有三等赤舄為上冕服之舄也詩云王錫韓侯玄衮赤舄則諸侯與王同下有白舄黑舄王后吉服六唯祭服有舄玄舄為上禕衣之舄也下有青舄赤

舄鞞衣以下皆屨耳句當作絢聲之誤也絢纁純者同
色今云赤纁黃纁青絢雜互言之明舄屨衆多反覆以
見之凡舄之飾如纁之次赤纁者王黑舄之飾黃纁者
王后玄舄之飾青絢者王白舄之飾言纁必有絢純言
絢亦有纁純三者相將王及后之赤舄皆黑飾后之青
舄白飾凡屨之飾如纁次也黃屨白飾白屨黑飾黑屨
青飾絢謂之拘著舄屨之頭以為行戒纁縫中紉純緣
也天子諸侯吉事皆舄其餘唯服冕衣翟著舄耳士爵
弁纁屨黑絢纁純尊祭服之屨飾從纁也素屨
者非純吉有凶去飾者言葛屨明有用皮時

辨外內

命夫命婦之命屨功屨散屨

命夫之命屨纁屨命婦之
命屨黃屨以下功屨次命

屨於孤卿大夫則白屨黑屨九嬪內子亦然世婦命婦
以黑屨為功屨女御士妻命屨而已士及士妻謂再命
受服者散屨
亦謂去飾
凡四時之祭祀以宜服之
祭祀而有素屨
散屨者唯大祥

時
天官

屨夏用葛玄端黑屨青絢纁純純博寸

屨者順
裳色玄

端黑屨以玄裳為正也絢之言拘也以為行戒狀如刀
衣鼻在屨頭纁縫中紉也純緣也三者皆青博廣也

素積白屨以魁桴之緇絢纁純純博寸

魁螭蛤
桴注也

爵弁纁

屨黑絢纁純純博寸

爵弁屨以黑為飾爵
弁尊其屨飾以績次

冬皮屨可也

不屨總屨

總屨喪屨也縷不反
治曰總士冠禮

偏屨著綦

偏行縶綦
屨繫也

內

赤芾在股邪幅在下

邪幅偏也邪纏於足如今行
膝所以束脛在股下也小

雅米穀

已上
四條屨及偏制

五色六章十二衣還相為質也

五色
六章

責績事也周禮考工記曰土以黃其象方天時變火以
圓山以草水以龍鳥獸蛇雜四時五色之位以章之謂

之巧也
禮運

春天子衣青衣服倉王夏衣朱衣服赤玉中

央土衣黃衣服黃玉秋衣白衣服白玉冬衣黑衣服玄

玉凡所服玉謂冠飾及所佩者之衡璜也此衣服取於殷時而有變焉非周制也周禮朝祀戎獵車服各以

其事不以四時為異又玉藻曰天子龍袞以祭玄端而朝日皮弁以日視朝與此皆殊月令此二條每月

服色士不衣織織染絲織之無君者不貳采大夫去位宜服玄端

裳非列采不入公門列采正服振絺綌不入公門表裘不入

公門振謂為袵袵禪也表裘外衣也襲裘不入公門注見

前續為繭緼為袍衣有著之異名也續謂今之禪為綱新縣也緼謂今繭及舊絮也

有衣裳而無裏帛為褶

有表裏而無著玉藻

黼領謂之褱

繡刺黼文以褱領

緣謂之純

衣緣飾也

袂謂之裳

衣開孔也

衣皆謂之襟

交領

袪謂之

裾

衣後裾也

衿謂之衿

衣小帶

佩衿謂之褱

佩玉之帶二屬

衣蔽前謂

之襜

今蔽膝也

婦人之褱謂之縞縞綌也

即今之香纓也褱邪交落帶繫於體

因名為褱綌繫也

裳削幅謂之縠

削殺其幅深衣之裳爾雅

衣錦褰衣

裳錦褰裳

褰禪也鄭風丰

王府掌王之燕衣服

燕衣服者中絮寢衣

袍澤之屬皆良貨賄所成天官

君子不以紺緌飾

君子謂孔子紺深青揚赤色齊

服也緌絳色三年之喪以飾練服也飾領緣也

紅紫不以為褻服

紅紫間色不正且近於婦

人女子之服也。褻服私居服也。當暑袵絺綌必表而出。

言此則不以為朝祭之服可知。褵褱也。葛之精者曰絺。粗者曰綌。表而出之謂先著

之褵褱衣表絺綌而出之于外欲其不見體也。詩所謂蒙彼絺綌。羔裘玄冠不以弔。喪主素吉主玄弔。齊必有明是也。

衣布。齊必沐浴浴竟則著明衣。所以明潔其體也。以布為之。必有寢衣長一身有

半。齊主於敬不可解衣而寢。又不可著明衣。而寢故別有寢衣其半蓋以覆足。論語士喪禮

陳襲事緣衣。黑衣裳赤緣之謂之緣。緣之言緣也。所以表袍者也。喪大記曰衣必有裳袍必有表。

不禪謂浴衣於篋。浴衣已浴所衣之衣以布為之其制如今通裁。明衣裳用

幕布袂屬幅長下膝。明衣所以親身為圭潔也。幕布惟幕之布升數未聞也。屬幅不削幅。

也長下膝又有裳於蔽下體深也

有前後裳不辟長及蔽

不辟質也蔽足跗也凡他

服短毋見膚長無被土

縗緋緇

一染謂之縗今紅也飾緇純七八

縗黑也飾衣曰純謂領與袂衣以縗裳以縗象天地也

士喪記

設明衣婦衣則設

中帶

中帶者今之禪褻同上

父母存冠衣不純素

為其有喪象也王藻曰縗

冠玄武子姓之冠也縗冠素紕既祥之冠也深衣曰具父母衣純以青

孤子當室冠衣不

純采

早喪親雖除喪不忘哀也謂年未三十者三十壯有室有代親之端不為孤也當室適子也深衣曰

孤子衣純以素

麻者不紳執玉不麻麻不加於采

吉凶不相

干也麻謂經也紳大帶也喪以要經代大帶也麻不加於采衣采者不麻謂弁經也必服弔服是也采玄纁之

衣雜記 已上
十條衣服雜制

童子不衣裘裳

裘大溫消陰氣使不堪苦不衣裳便

易 曲禮

童子不裘不帛不縷絢

裘帛溫傷壯氣也絢屨頭飾也 王藻

十年衣不帛襦袴

不用帛為襦袴為大溫傷陰氣也

二十而冠可以衣

裘帛

則內

童子之節也緇布衣錦緣錦紳并紐錦束髮

皆朱錦也

童子未冠之稱也冠禮曰將冠者采衣紒也 王藻

士冠禮將冠者

采衣紒

采衣未冠者所服王藻曰童子緇布衣錦緣錦紳并紐錦束髮皆朱錦也紒結髮 已上五條

童子服制

司服大札大荒大裁素服

大札疫病也大荒飢饉也大裁水火為害

君臣素服編冠若晉伯宗哭梁山之崩士素端見前 春官

年不順成天子素服

自貶損也

君衣布摺本

君衣布者謂若衛文公大布之衣大帛之冠是也

王藻

大夫

士去國素衣素裳素冠徹緣鞮屨素箴三月而復服

言以

喪禮自處也臣無君猶無天也徹猶去也鞮屨無絢之菲也箴覆琴也曲禮已上三條素服

大

司徒以本俗六安萬民六曰同衣服

民雖有富者衣服不得獨異地官

仲秋乃命司服具飭衣裳文繡有恒制有大小度有

長短

此謂祭服也文謂畫也祭服之制畫衣而繡裳

衣服有量必循其故

此謂朝燕

及他服凡此為寒益至也詩云七月流火九月授衣於是作之可也

冠帶有常

因制衣服而作之也

令月

天子五年一巡守制度衣服正之革制度衣服

者為畔畔者君討

討誅也王制

作異服以疑衆殺

異服若聚鵠冠

瓊弁也

命服不入於市

尊物非民所宜有

布帛精麤不中數幅廣

狹不中量不粥於市姦色亂正色不粥於市

凡以其不可用也數

升縷多少

錦文珠玉成器不粥於市衣服不粥於市

不示民以奢也

關執禁以譏禁異服

王制

子曰長民者衣服不貳從容

有常以齊其民則民德壹

二不一也緇衣

曰國家未道則

不充其服焉

謂若衛文公者未道未合於道玉藻

君賜衣服服以拜

敬君惠也

賜君未有命弗敢即服也

謂卿大夫受賜於天子者歸必致於其君君有

命乃服之

同上

冕弁藏於私家非禮也是謂脅君

却脅之君也冕

弁君之尊
服禮運

不學雜服不能安禮

雜服冕服皮弁之屬雜或為雅學記

衣服在躬而不知其名為罔

罔猶罔罔無知貌儀已上十條雜論衣

服之

蜺氏凍絲以浼水漚其絲七日去地尺暴之

故書

浼作涓鄭司農云漚水漚水也玄謂浼水以天所沛水也漚漸也楚人曰漚齊人曰湊

晝暴諸日

夜宿諸井七日七夜是謂水凍

宿諸井縣井中

凍帛以欄為灰

淫淳其帛實諸澤器淫之以蜃

淫讀如繒人渥管之淫以欄木之灰新釋其帛

也杜子春云淫當為涅書亦或為湛鄭司農云澤器謂滑澤之器蜃謂灰也士冠禮曰素積白屨以魁拊之說

曰魁蛤也周官亦有白盛之蜃蜃蛤也
玄謂淫薄粉之令帛白蛤今海旁有焉清其灰而盪之

而揮之

清澄也於灰澄而出盪
肺之肺而揮去其蜃

而沃之而盪之而塗之

而宿之

更渥
淳之

明日沃而盪之

朝更沃至夕盪之又更沃
至旦盪之亦七日如渥絲

也畫暴諸日夜宿諸井七日七夜是謂水凍

考工記
此一條凍

帛絲

染人掌染絲帛凡染春暴練夏纁玄秋染夏冬獻

功

暴練練其素而暴之故書纁作黨鄭司農云黨當讀
為纁纁謂絳也夏大也秋乃大染玄謂纁玄者謂始

可以染此色者玄纁者天地之色以為祭服石染當及
盛暑熱潤始湛研之三月而後可用考工記鍾氏則染

纁術也染玄則史傳闕矣染夏者染五色謂之夏者其
色以夏伏為飾禹貢曰羽畎夏秋是其總名其類有六

曰鞞曰搖曰鬻曰當曰希曰蹲其毛羽五色皆備成章染者擬以為深淺之度是以放而取名焉掌凡

染事

官

鍾氏染羽以朱湛丹秫三月而熾之

鄭司農

也丹秫赤粟玄謂湛讀如漸車帷裳之漸熾炊也羽所以飾旌旗及王后之車淳而漬之

炊下湯沃其熾烝之以漬羽漬猶染也三入為纁五入為緌七入為緇

者三入而成又再染以黑則為緌緌今禮俗文作爵言如爵頭色也又復再染以黑乃成緇矣鄭司農云以論

語曰君子不以紺緌飾又曰緇衣羔裘爾雅云一染謂之緌再染謂之纁三染謂之緇詩云緇衣之宜兮方謂

此同色耳染布帛者染人掌之凡玄色一染謂之緌

者在緌緇之間其六入者與考工記青謂之蔥黑

紅也

再染謂之纁

赤

三染謂之緋

也

青謂之蔥

淺

黑

謂之黝

黝黑貌周禮曰陰祀用黝牲

斧謂之黼

黼文畫斧形因名云爾雅

季

夏命婦官染采黼黻文章必以法故無或差貸

婦功染人也采

五色

黑黃倉赤莫不質良無敢詐偽

質正也良善也所用染者當得真采正善

也以給郊廟祭祀之服以為旗章以別貴賤等級之度

旗章旌旗及章服也月令己上四條染采

右衣服 皮弁者所以法古至質冠名也以鹿皮

者取其文章也三王共皮弁素積裳也腰中辟積

至質不易之服反古不忘本也麻冕者周宗廟之

冠也前俛而後仰故謂之冕所以用麻為之者女
功之始亦不忘本也垂旒者示不視邪纁塞耳示
不聽讒也委貌周朝廷理政事行道德之冠委貌
者有曲有貌也爵弁者周人宗廟之冠也周之冠
色所以爵何為周尚赤所以不純赤但如爵頭何
以本制冠者法天天色玄者不失其質故周加赤
殷加白夏之冠色純玄聖人所以制衣服何以為
絺絺蔽形表德勸善別尊卑也以狐羔為裘何取

輕暖因狐死首丘明君子不忘本也羔者取跪乳
遜順也天子狐白諸侯狐黃大夫倉士羔裘亦因
別尊卑也所以必有紳帶示敬謹自約整也紳者
蔽也行以蔽前天子朱紉諸侯赤紉以韋為之者
反古不忘本也上廣一尺下廣二尺天一地二也
長三尺法天地人也

白虎通

狐突曰衣身之章也

章貴賤

佩衷之旗也

旗表也所以表明其中心

故服其身則衣之

純

必以純色為服

用其衷則佩之度

衷中也佩玉者士君子常度

閏二年左

氏傳孔子曰生乎今之世志古之道居今之俗服

古之服舍此而為非者不亦鮮乎哀公曰然則今夫章甫句屨紳帶而搢笏者此皆賢乎孔子曰否不必然今夫端衣玄裳冕而乘路者志不在於食葷斬衰簡屨杖而馭粥者志不在於飲食故生乎今之世志古之道居今之俗服古之服舍此而為非者雖有不亦鮮乎

大戴記

哀公問於孔子曰夫

子之服其儒服與

哀公館孔子見其服與士大夫異又與庶人不同疑為儒服而

之問孔子對曰丘少居魯衣逢掖之衣長居宋冠章

甫之冠冠丘聞之也君子之學也博其服也鄉丘不

知儒服

逢猶大也大掖之衣大袂禪衣也此君子有道藝者所衣也孔子生魯長而之宋而

冠焉宋其祖所出也衣少所居之服冠長所居之冠是之謂鄉言不知儒服非哀公意不在於儒乃

今問其服庶人禪衣袂三尺二寸祛尺二寸儒行

玄冠紫綏自魯桓公

始也

蓋僭宋王者之後服也綏當用績王藻

管仲鏤簋朱紼君子

以為濫矣

朱紼天子冕之紼也諸侯青組紼大夫士當緇組紼纁纁邊

晏平仲澣

衣濯冠以朝君子以為隘矣

澣衣濯冠儉不務新禮器

朝

服之以縞也自季康子始也

亦僭宋王者之後

孔子曰朝

服而朝卒朔然後服之

謂諸侯與羣臣也諸侯視朔皮弁服

王藻

季康子朝服以縞曾子問於孔子曰禮乎孔子曰

諸侯皮弁以告朔然後服之以視朝若此者禮也

或服以縞僭宋禮也孔子惡指斥康子但言諸侯之禮而已而諸侯皮弁以告朔卒然後朝服以視

朝服明不可縞

家語鄭子華之弟子臧出奔宋

十六年殺子華

武好聚鵠冠

鵠鳥名聚鵠羽以爲冠非法之服

鄭伯聞而惡之惡其

法非

使盜誘之盜殺之于陳宋之間君子曰服之

不衷身之災也

衷猶適也

詩曰彼其之子不稱其服

曹詩

風刺小人在位言彼人之德不稱其服

子臧之服不稱也

夫僖二十四年左

氏傳

子產為政上下有服

公卿大夫服不相踰襄三十年左氏傳

禮書綱目卷七十